



DET KONGELEGE
JUSTIS- OG POLITIDEPARTEMENT

St.prp. nr. 1

(2007–2008)

FOR BUDSJETTÅRET 2008

Svalbardbudsjettet

Innhald

| | | | |
|--|----|--|----|
| Del I | | | |
| Innleiing | 7 | Kap. 0005 Sysselmannen (jf. kap. 3005) | 32 |
| 1 Innleiing | 9 | Kap. 3005 Sysselmannen (jf. kap. 5) | 32 |
| 1.1 Generelt om Svalbard | 9 | Kap. 0006 Sysselmannens transportteneste (jf. kap. 3006) | 33 |
| 1.2 Bakgrunnen for eit eige svalbardbudsjett | 9 | Kap. 3006 Sysselmannens transportteneste (jf. kap. 6) | 33 |
| 2 Mål for norsk svalbardpolitikk | 10 | Kap. 0007 Tilfeldige utgifter | 34 |
| 2.1 Heilskapleg forvaltning av norsk politikk for polarområda | 10 | Kap. 0009 Kulturminnetiltak | 34 |
| 2.1.1 Samordne og koordinere forvaltningas politikk for polarområda | 12 | Kap. 0011 Bergvesenet med Bergmeisteren for Svalbard | 35 |
| 2.1.2 Sikre ei god forvaltning lokalt på Svalbard gjennom Sysselmannen .. | 13 | Kap. 0017 Refusjon til Norsk Polarinstitut | 35 |
| 2.1.3 Leggje til rette for eit godt lokaldemokrati i Longyearbyen | 14 | Kap. 0018 Fyr og radiofyr | 35 |
| 3 Forslag til svalbardbudsjett for 2008 | 16 | Kap. 0019 Statens bygningar på Bjørnøya og Hopen | 36 |
| 4 Forslag til løyvingar til svalbardformål frå andre departement over statsbudsjettet (jf. vedlegg 1) | 17 | Kap. 0020 Statens bygningar i Longyearbyen (jf. kap. 3020) | 36 |
| 4.1 Miljøverndepartementet | 17 | Kap. 3020 Statens bygningar i Longyearbyen (jf. kap. 20) | 36 |
| 4.2 Nærings- og handelsdepartementet | 18 | Kap. 0022 Likningsforvaltninga for Svalbard .. | 37 |
| 4.3 Kunnskapsdepartementet | 21 | Kap. 3030 Skattar og avgifter | 37 |
| 4.4 Finansdepartementet | 22 | Kap. 3035 Tilskot frå statsbudsjettet | 38 |
| 4.5 Samferdselsdepartementet | 23 | | |
| 4.6 Barne- og likestillingsdepartementet | 23 | Forslag til vedtak om løyving av utgifter og inntekter for administrasjonen av Svalbard for budsjetterterminen 2008 | 40 |
| 4.7 Helse- og omsorgsdepartementet . | 24 | Forslag til vedtak om formues- og inntektsskatt til Svalbard for inntektsåret 2008 | 42 |
| 4.8 Fornyings- og administrasjonsdepartementet | 24 | Forslag til vedtak om bestillingsfullmakt for budsjetterterminen 2008 | 43 |
| 4.9 Kultur- og kyrkjedepartementet | 24 | Forslag til vedtak om meirinntekts- fullmakt for budsjetterterminen 2008 | 43 |
| 5 Oversikt over forslag til løyvingar på svalbardbudsjettet for 2008 | 26 | Forslag til vedtak om avgift av kol som blir utført frå Svalbard for budsjetterterminen 2008 | 43 |
| Del II | | Vedlegg 1 | |
| Dei enkelte utgifts- og inntektskapitla | 29 | Oversikt over forslag til utgifter på Svalbard som blir dekte over statsbudsjettet for 2008 ... | 44 |
| Kap. 0001 Svalbard kyrkje | 31 | | |
| Kap. 0002 Tilskot til kulturelle formål m.m. ... | 31 | | |
| Kap. 0003 Tilskot til Longyearbyen lokalstyre | 31 | | |

Vedlegg 2

Oversikt over forslag til inntekter til Svalbard
som inngår i statsbudsjettet for 2008 46

Vedlegg 3

Kart over Svalbard 47



DET KONGELEGE
JUSTIS- OG POLITIDEPARTEMENT

St.prp. nr. 1

(2007–2008)

FOR BUDSJETTÅRET 2008

Svalbardbudsjettet

*Tilråding frå Justis- og politidepartementet av 14. september 2007,
godkjend i statsråd same dagen.
(Regjeringa Stoltenberg II)*

Del I
Innleiing

1 Innleiing

1.1 Generelt om Svalbard

Svalbard omfattar alle øyar, holmar og skjer mellom 10 og 35 grader austleg lengd og 74 og 81 grader nordleg breidd. Samla landareal er om lag 62 700 km². Territorialfarvatnet rundt Svalbard vart utvida frå 4 til 12 nautiske mil frå 01.01.2004. Rundt 54 pst. av øygruppa er dekt av isbrear. Med sine 39 000 km² er Spitsbergen den største av øyane.

Svalbardtraktaten av 9. februar 1920 gav Noreg suverenitet over øygruppa. Sidan 1925 har Svalbard vore ein del av kongeriket Noreg. Sysselmannen er regjeringas øvste representant på Svalbard og tek vare på statens interesser på øygruppa.

Norsk lovgiving gjeld ikkje fullt ut for øygruppa. Etter svalbardlova § 2 gjeld norsk privatrett, strafferett og lovgivinga om rettspleia utan vidare for Svalbard om ikkje anna er fastsett. Andre lover gjeld ikkje utan når det er fastsett særskilt. Det kan òg givast særskilte føresegner for Svalbard. Alle som besøker Svalbard eller oppheld seg på øygruppa, pliktar å følgje dei lovene og reglane som gjeld.

Størsteparten av busetnaden på Svalbard ligg på øya Spitsbergen. I tillegg bur det folk ved dei meteorologiske stasjonane på Hopen og Bjørnøya. Longyearbyen er det administrative senteret på Svalbard og er i dag òg den største busetnaden. I følgje befolkningsregisteret for Svalbard er det pr. 01.09.2007 totalt 2018 busette i Longyearbyen. I Barentsburg er det registrert 525 busette. Busetnaden her er bygd opp rundt koldrifta til Trust Arktikugol. I Ny-Ålesund er all verksemd knytt til forskning og forskningsservice. I følgje befolkningsregisteret er det til saman 37 heilårs busette her. Ved den polske forskingsstasjonen i Hornsund er det registrert 8 heilårs busette. I Svea, der Store

Norske Spitsbergen Grubekompani driv koldrift, er det registrert 9 busette.

1.2 Bakgrunnen for eit eige svalbardbudsjett

Artikkel 8 i Svalbardtraktaten avgrensar høvet til å krevje inn skattar og avgifter på Svalbard og korleis desse midlane skal nyttast. Dette er bakgrunnen for at det blir fremja eit eige svalbardbudsjett.

Justisdepartementet fremjar svalbardbudsjettet som ein eigen budsjettproposisjon samtidig med statsbudsjettet. I hovudsak er det den statlege administrasjonen av Svalbard som er finansiert over svalbardbudsjettet. Dette er dels verksemd på Svalbard underlagt Justisdepartementet, og dels verksemd underlagt andre fagdepartement. Longyearbyen lokalstyre får òg løyvingane sine over svalbardbudsjettet.

Kvart år blir det gitt eit tilskot frå statsbudsjettet til dekning av underskotet på svalbardbudsjettet, jf. St.prp. nr. 1 (2007-2008) Justisdepartementet kap. 480. Tilskotet er inntektsført på svalbardbudsjettet kap. 3035.

Svalbardbudsjettet gir òg ei samla oversikt over statlege løyvingar til svalbardformål. Kvart år yter staten eit tilskot for å leggje til rette for nasjonal og internasjonal forskning på Svalbard, miljøforvaltning og til tiltak som drift av sjukehus i Longyearbyen. Slike utgifter blir dekte over det ordinære statsbudsjettet under kapitla til dei enkelte fagdepartementa. Forslag til løyvingar for 2008 er omtalt nærare under punkt 4 nedanfor, jf. også vedlegg 1.

Under behandlinga av St.meld. nr. 9 (1999-2000) Svalbard, slutta Stortinget seg til forslaget om å føre vidare ordninga med eit eige svalbardbudsjett.

2 Mål for norsk svalbardpolitikk

Overordna mål

Regjeringas overordna mål for svalbardpolitikken vart vedtekne i samband med behandlinga av St.meld. nr. 40 (1985-86) om Svalbard. Måla vart gjentekne i St.meld. nr. 9 (1999-2000) Svalbard. Dei er òg lagt til grunn ved den årlege behandlinga av svalbardbudsjettet. Måla er:

- ei konsekvent og fast handheving av suvereniteten
- korrekt overhalding av Svalbardtraktaten og kontroll med at traktaten blir etterlevd
- bevaring av ro og stabilitet i området
- bevaring av den særeigne villmarksnaturen i området
- oppretthalding av norske samfunn på øygruppa.

Arbeidet med St.meld. nr. 9 (1999-2000) Svalbard vart koordinert av Justisdepartementet, og dei fleste fagdepartementa var involverte. Meldinga inneheldt ei heilskapleg vurdering av norsk svalbardpolitikk. Det vart gjort greie for dei måla, prioriteringane og verkemidla som gjeld spesielt for Svalbard. Stortinget slutta seg i all hovudsak til utgreiinga. Dette viser at det er stor semje om norsk svalbardpolitikk.

Måla for svalbardpolitikken ligg innafør dei generelle måla i norsk politikk om å sikre nasjonal tryggleik og integritet, overhalde internasjonale rettsreglar og plikter og arbeide for internasjonal avspenning og fred. Dei har sikker forankring i nasjonale interesser og haldningar, og er i samsvar med dei traktatbundne pliktene Noreg tok på seg då suvereniteten over øygruppa vart internasjonalt akseptert. Måla tener derfor til å møte dei internasjonale forventningane som blir stilte. I ei tid då Arktis tiltrekkjer seg aukande interesse skal svalbardpolitikken medverke til at utviklinga i nordområda kan skje på ein fredeleg måte, og til at konflikstar blir unngått.

Det er viktig å sjå måla i samanheng. Det må vere ei konsekvent handheving av norsk suverenitet innafør ramma av føresegnene i traktaten. Dette har vore ein føresetnad for at dei andre traktatpartane har tillit til at øygruppa ikkje blir utnytta i strid med desse føresegnene.

Hovudmål og delmål

Justisdepartementet har følgjande hovudmål og delmål for sitt arbeid med polarsaker:

Tabell 2.1 Hovudmål og delmål for Justisdepartementet

| Hovudmål | Delmål |
|---|---|
| Heilskapleg forvaltning av norsk politikk for polarområda | <ol style="list-style-type: none"> 1. Samordne og koordinere forvaltningas politikk for polarområda 2. Sikre ei god forvaltning lokalt på Svalbard gjennom Sysselembannen 3. Leggje til rette for eit godt lokaldemokrati i Longyearbyen |

2.1 Heilskapleg forvaltning av norsk politikk for polarområda

Det er nedfelt i Soria Moria-erklæringa at Regjeringa ser nordområda som Noregs viktigaste strategiske satsingsområde i åra som kjem. Regjeringa har i den samanhengen utarbeidd ein strategi for nordområda som er nærare omtalt i Utanriksdepartementets budsjettproposisjon. Nordområde-

strategien skal vere langsiktig og prega av samordning og samarbeid, og omfattar fleire departement sine ansvarsområde.

Svalbard er ein viktig del av nordområda våre, og ei vedvarande satsing på Svalbard i tråd med måla for norsk svalbardpolitikk vil markere at Noreg er til stades i nordområda. Forskingsaktivitetane på øygruppa er viktig, og Svalbard har etter kvart utvikla seg til ein internasjonal plattform for

polarforskning, der Noreg gir forskarar frå land over heile verda eineståande høve til arktisk forskning.

Som ei tilpassing til skattereforma på fastlandet, vart skatten i lønnsstrekkordninga på Svalbard auka frå 01.01.2006. Det vart samtidig nedsett ei arbeidsgruppe som skulle vurdere skattesystemet på Svalbard. Grappa leverte rapporten sin 1. mai 2007. Rapporten har vore på høyring. Regjeringa foreslår no endringar i skattesystemet på Svalbard basert på dei tilrådingar som arbeidsgruppa kom med. Forslaga til endringar legg til rette for eit stabilt og enkelt skattesystem. Det er viktig å vere til stades på Svalbard for å sikre ei truverdig og effektiv handheving av Noregs store område i nord både til lands og til havs. Regjeringa ønskjer ei robust busetjing i Longyearbyen. Det er viktig å vidareføre eit levedyktig svalbardsamfunn der miljøforvaltning, forskning, koldrift og reiseliv blir foreina innafør rammer som sikrar at øygruppa blir teken vare på som eitt av verdas best forvalta villmarksområde. Desse målsetjingane inneber òg skattepolitiske utfordringar. Skattesystemet på Svalbard må tilpassast forholda på øygruppa og baserast på løysingar som sikrar konkurransedyktige rammevilkår for investeringar og verksemd på Svalbard. Samtidig må løysingane innpassast i ei større internasjonale ramme, under omsyn til at økonomiske transaksjonar over landegrensene aukar sterkt i omfang. Dei forslaga som no blir fremja ivaretek desse omsyna og legg godt til rette for ei ønskeleg utvikling på Svalbard (for ytterlegare omtale sjå under kap. 4.4 Finansdepartementet).

Justisdepartementet har gjennom leiinga av Det interdepartementale polarutvalet eit overordna ansvar når det gjeld Svalbard, Jan Mayen og bilanda i Antarktis, og møter i denne oppgåva særskilte utfordringar. Dette gjer det nødvendig å sjå dei enkelte fagetatane si verksemd i desse områda i samheng og i eit breiare perspektiv. Polarutvalet fungerer i denne samanhengen som eit verktøy for Justisdepartementet, som gjennom utvalet har ansvaret for å koordinere og samordne forvaltningsarbeid med polarsaker for å sikre ein heilskapleg norsk politikk i polarområda.

I tillegg til Det interdepartementale polarutvalet, jf. pkt. 2.1.1, er Sysselmannen ein svært viktig medspelar i arbeidet med å sikre ei god forvaltning av øygruppa, jf. pkt. 2.1.2. Sysselmannen er regjeringas øvste representant på Svalbard, og har sete i Longyearbyen. Han har som hovudoppgåve å medverke til at måla i norsk svalbardpolitikk blir oppfylte. Dette ligg til grunn for all verksemd ved sysselmannskontoret. Sysselmannen har funksjon som både fylkesmann, notarius publicus og politi-

meister. Han har òg ei viktig oppgåve som miljøforvaltar, og har den lokale kontakten med utanlandske busetnader på Svalbard.

Ein annan viktig medspelar i arbeidet med å utvikle lokalsamfunnet i Longyearbyen, er Longyearbyen lokalstyre, jf. pkt. 2.1.3. Justisdepartementet arbeider derfor for å ha ein god dialog med lokalstyret, og søker saman med dei å finne gode løysingar på dei utfordringane lokalsamfunnet står overfor. Samtidig er det òg viktig å leggje til rette for eit godt samarbeid mellom dei lokale styremaktene på Svalbard. Den auka kompleksiteten gjer dessutan at departementet søker å ha ein god dialog med andre lokale aktørar, og med ulike organisasjonar og institusjonar.

Den norske busetnaden på øygruppa har tradisjonelt vore knytt til koldrift. Dette er framleis den næringa som har flest sysselsette. Dei siste åra har det skjedd ein auke i både offentleg og privat verksemd, særleg innan turisme og reiseliv. Aktiviteten har òg auka innafør forskning og høgare utdanning, først og fremst i Longyearbyen og Ny-Ålesund. Samtidig har Regjeringa eit mål om å oppretthalde Longyearbyen som eit familiesamfunn, men ikkje eit livsløpssamfunn. Denne utviklinga fører mot eit meir komplekst samfunn som igjen opnar for nye interesseområde mellom fleire aktørar. Dette gjer samordninga til ei viktigare og meir krevjande oppgåve enn tidlegare.

Dei siste åra har det skjedd ei aukande desentralisering av ansvar og mynde innafør dei ulike statlege sektorane. Denne omlegginga har gitt særleg store utfordringar i forhold til utøving av norsk politikk på Svalbard. Det har òg skjedd ei endring i den statlege eigarstrukturen i Noreg ved at forvaltningsorgan i større grad enn tidlegare blir organiserte som aksjeselskap. Dette inneber at desse selskapa, til dømes Posten, Avinor og Telenor, har større krav til inntening enn før. Tidlegare har desse selskapa bl.a. vore nytta aktivt i svalbardpolitikken. Den nye organiseringa av selskapa gjer at dette har vorte vanskelegare. Ein må derfor finne nye måtar å leggje til rette for utøving av svalbardpolitikken på.

Aukande turisme og ferdsel på Svalbard synleggjer behovet for å halde oppsyn med og avdekkje eventuelle brot på føresegna om vern av Svalbards natur- og kulturmiljø. Det er òg ei utfordring å skape tryggleik, både ved ferdsel på land og til sjøs. Viktige tiltak i denne samanhengen er Sysselmannens oppsyns- og kontrollverksemd og informasjonsarbeid. Det er ei utfordring å nå ut til dei som besøker øygruppa med viktig informasjon på ein god og effektiv måte.

Svalbard og Longyearbyen har mange særtrekk. Likevel ser ein at Longyearbyen på mange

område, og i aukande grad, liknar eit fastlandssamfunn. Dette fører til at ein stadig oftare må vurdere om regelverk for fastlandet òg skal gjerast gjeldande for Longyearbyen og Svalbard. Lovgivings-tilhøva for Svalbard er spesielle, jf. bl.a. lov 17. juli 1925 nr. 11 om Svalbard (svalbardlova) § 2. Det er derfor ei utfordring å få til ei heilskapleg utvikling av regelverk. Målet er eit tilpassa og oversiktleg regelverk som er tilgjengeleg for alle. Justisdepartementet har fokus på denne problemstillinga.

Høgsterett fatta i 2007 ei avgjerd som gjaldt spørsmål om tvangsoppløysing av eit aksjeselskap med forretningskontor på Svalbard. Eit fleirtal i Høgsterett kom til at selskapet ikkje kunne tvangsoppløysast i medhald av aksjelova § 16-5 første ledd nr. 5, fordi plikta til å sende inn åresrekneskap til rekneskapsregisteret etter rekneskaplova § 8-2 ikkje gjeld for slike selskap. På bakgrunn av avgjerda i Høgsterett er det nødvendig å vurdere behovet for å fastsetje forskrifter om bruken av rekneskapslova, revisorlova og bokføringslova på Svalbard. Arbeidet vil bli følgt opp av Finansdepartementet i samarbeid med Justisdepartementet.

2.1.1 Samordne og koordinere forvaltningas politikk for polarområda

For å sikre ei god forvaltning av Svalbard vart det allereie i 1965 oppretta eit eige Svalbardutval. I 1971 vart ansvarsområdet for utvalet utvida til òg å gjelde Jan Mayen og bilanda i Antarktis. Namnet vart då endra til Det interdepartementale polarutvalet. Hausten 2002 vart det fastsett ny instruks for utvalet (sjå rundskriv G-6/2003). Dette vart gjort bl.a. for å gjere Polarutvalet i stand til betre å møte dei utfordringane ein står overfor med eit meir variert samfunn på Svalbard.

Polarutvalet, som er leia av Justisdepartementet, skal drøfte alle saker som vedkjem forvaltninga av polarområda. Utvalet skal tene regjeringas behov for direkte styring med polarsaker. Polarutvalet er leia av Justisdepartementet som òg er sekretariat for utvalet, og består elles av representantar frå dei mest sentrale departementa i polar-samanheng (JD, UD, MD, KD, NHD, FIN, SD, FKD), Norsk Polarinstitut, Sysselmannen på Svalbard og Statsministerens kontor. Utvalet møtest om lag ti gonger i året.

Plikta til å leggje fram saker for Polarutvalet inneber at alle saker som vedkjem utanriks-, miljø-, ressurs-, forskings- og tryggleikspolitikken, kan vurderast i samanheng og opp mot andre viktige omsyn i norsk svalbardpolitikk før det blir treft avgjerd i vedkommande fagdepartement. At saker blir lagt fram for Polarutvalet endrar ikkje vedkommande fagdepartements mynde til å treffe avgjer-

der eller det konstitusjonelle ansvaret til vedkommande fagstatsråd.

Saker skal leggast fram for Polarutvalet før avgjerd blir treft i det aktuelle fagdepartementet, og utvalet kan då gi rådgivande uttale til det aktuelle departementet. Dersom det aktuelle departementet vil avgjere saka i strid med uttale frå Justisdepartementet eller Polarutvalet, skal saka leggast fram for regjeringa.

Riksrevisjonen har gjort ei undersøking av forvaltninga av Svalbard, Dokument nr. 3:8 (2006-2007) Riksrevisjonens undersøkelse av forvaltningen av Svalbard, og rapporten vart overlevert Stortinget 1. juni 2007. Formålet med undersøkinga har vore å vurdere om måla for miljø- og samfunnsutvikling på Svalbard blir nådd, og i kva grad forvaltninga av Svalbard er i tråd med vedtak og føresetnader gitt av Stortinget. Stortinget tek sikte på å behandle rapporten i løpet av hausten 2007.

Sjøtryggleik har i dei seinare åra vore eit prioritert område for Polarutvalet, og utvalet la allereie i 2002 fram ein rapport med forslag til tiltak på området. Rapporten blir følgt opp i dei ulike fagdepartementa, og det blir jamleg gitt tilbakemeldingar til Polarutvalet når det gjeld framdrifta i dette arbeidet. I tillegg har Polarutvalet eit særleg fokus på dei utfordringane som auken i cruiseturismen medfører. Utvalet la derfor i 2005 fram ein ny rapport med forslag til tiltak for å møte desse utfordringane og der ein òg vurderar behovet for ytterlegare tiltak på sjøtryggleikområdet. Rapporten blir følgt opp i dei ulike fagdepartementa, bl.a. tredje ny skipstryggleikslov i kraft 1. juli 2007 og den gjeld på Svalbard. Dette inneber at Noreg kan etablere hamnestatskontroll på Svalbard. I 2008 skal Sjøfartsdirektoratet gjennomføre hamnestatskontrollar i den utstrekninga det er nødvendig. Regjeringa tek òg sikte på å innføre hamne- og farvatnlova på Svalbard frå 1. januar 2008.

Det internasjonale polaråret (IPY) 2007-2008 er ei stor internasjonal satsing innan polarforskning der mange nasjonar deltek og der store ressursar blir sette inn. IPY er planlagt av International Council for Science og World Meteorological Organisation, og er femti år etter det internasjonale geofysiske år i 1957-1958, som blant anna førte til ei formalisering av det internasjonale forskningssamarbeidet i Antarktis (SCAR) og Antarktis-traktaten. Det førre internasjonale polaråret fann stad i 1932-1933. Under IPY vil ein intens tverrfagleg måleinsats blant anna gi datasett for betre klimamodellar og prognosar, inkludert havstraumar og klimakoplingar mellom låge og høge breiddegrader. Verdas romfartsorganisasjonar vil delta med nye målingar med satellittar i polare baner, koplade mot bakke-data. Regjeringa har vedteke at Noreg skal gå sterkt inn

i dette samarbeidet og ta mål av seg til å ha ei førande rolle. For 2008 er det foreslått å setje av 85 mill. kroner over Forskringsrådets budsjett. Løyvinga skal dekkje forskning på vegne av heile departementsfellesskapet. Ein norsk IPY-komité koordinerer det norske arbeidet med Det internasjonale polaråret og er kontaktpunkt mot International Council for Science og World Meteorological Organisation i planlegginga og gjennomføringa av polaråret. Noreg er tildelt sluttkonferansen for IPY og denne vil vere i Oslo i juni 2010. For meir omtale, sjå kap. 4.3 Kunnskapsdepartementet.

Dei siste åra har det vore auka aktivitet innan forskning på Svalbard. Koordinering av denne verksemda er blitt stadig viktigare. Polarutvalet tok derfor initiativ til å revitalisere Svalbard Science Forum (SSF). Målet er å utnytte infrastruktur og faglege ressursar betre, som ein del av arbeidet med å gjere Svalbard til ein leiande stad for internasjonalt forskingssamarbeid innan polarforskning. Dette arbeidet er eit viktig ledd i både forskings- og nordområdepolitikken. I dei seinare åra er det derfor gjort store investeringar i forskingsverksemd og infrastruktur på Svalbard for å leggje til rette for både norsk og internasjonal forskingsverksemd på øygruppa.

Ny-Ålesund peiker seg på mange måtar ut som eit heilt spesielt område i forskingssamheng. Styresmaktene har gjennom ei rekkje år investert store midlar i infrastrukturen for forskingsverksemda. Regjeringa har som målsetjing å bygge Ny-Ålesund vidare ut som internasjonalt forskingssenter i Arktis, innafør rammene av infrastruktur og annan kapasitet. I 2007 har 8 land ein eigen forskingsstasjon i Ny-Ålesund.

I Innst. S.nr. 196 (1999-2000) Svalbard, slutta Stortinget seg til ei vidare utvikling av Ny-Ålesund som forskingsstasjon. Det vart uttalt at dette ville kunne føre til at området rundt Ny-Ålesund måtte vernast som forskingsområde ved til dømes å setje grenser for anna verksemd i området. Polarutvalet nedsette ei arbeidsgruppe for å utgreie mogelege verkemiddel for å følgje opp desse signala. På bakgrunn av blant anna arbeidsgruppa's anbefaling, vedtok Stortinget hausten 2005 ein odelstingsproposisjon om endring i svalbardlova § 4, som gir Kongen heimel i forskrift til å gi reglar om grenser for verksemd som vil kunne vere til skade for forskning i bestemte område på Svalbard. I forlenginga av dette arbeidet fremja Justisdepartementet i 2007 ein kongeleg resolusjon som fastsette ei forskrift om permanent stenging av delar av Kongsfjorden for fiskeriaktivitet. Justisdepartementet vil i 2008 gå i gang med å vurdere behovet for ytterlegare vern av forskningaktiviteten i Ny-Ålesund, til dømes i forhold til skipstrafikken i området.

Regjeringa vedtok i 2006 å etablere Svalbard globale frøkvelv, som skal vere eit sikringslager for dubletter av frø frå frøsamlingar frå heile verda. Spesielt matvekstar av stor verdi for matforsyninga skal takast vare på. Lokaliseringa til Svalbard er eigna på grunn av permafrost, stabile politiske forhold og god infrastruktur i eit vitskapleg miljø. Bygget skal stå ferdig hausten 2007 medan den formelle opninga vil vere 26. februar 2008. Frøkvelven er finansiert over budsjetta til Landbruks- og matdepartementet, Miljøverndepartementet og Utanriksdepartementet.

Eit anna viktig område er innhenting av statistikk om Svalbard. Statistikklova vart gjort gjeldande for Svalbard frå 01.01.2007. Gjennom dei halvårlege møta i sentralt statistikkforum, leia av Justisdepartementet, følgjer ein utviklinga av statistikk situasjonen på Svalbard.

Justisdepartementet og Polarutvalet har òg ansvar for Jan Mayen og bilanda i Antarktis. Det internasjonale samarbeidet om Antarktis skjer innafør ramma av Antarktistraktaten og inneber årlege møte mellom traktatpartane. Lovgivingssituasjonen for dei norske bilanda i Antarktis er spesiell og krev særskilt vurdering i samband med lovgivingsarbeid. Justisdepartementet deltek dessutan i prosessane som går føre seg i regi av Arktisk Råd. Arktisk Råd er det einaste sirkumpolare samarbeidsorganet som omfattar alle dei arktiske landa. Noreg har i perioden 2006-2008 formannskapet. Oppfølging av klimaendringar og heilskapleg forvaltning av dei arktiske havområda er to av hovudprioriteringane under det norske formannskapet.

2.1.2 Sikre ei god forvaltning lokalt på Svalbard gjennom Sysselmannen

Sysselmannen er administrativt underlagt Justisdepartementet, og får løyvingane sine over svalbardbudsjettet. I enkelte fagsaker er han likevel underlagt andre departement. Sysselmannen har myndigheit som politimeister og fylkesmann. Som offentleg organ er Sysselmannen tillagt ei rekkje styresmaktoppgåver innafør ulike saksområde, til dømes forureining, barnevern, skjenkeløyvesaker, brannvern o.a. Fagkompetansen og svalbardkunnskapen hos Sysselmannen representerer ei viktig støtte i departementas arbeid med svalbardspørsmål.

Justisdepartementet har som mål at dei mange og ulike oppgåvene som sysselmannskontoret skal løyse, blir utførte på ein god og effektiv måte. Departementet arbeider for å ha ein god styringsdialog med Sysselmannen, bl.a. gjennom etatsstyringsmøte og tildelingsbrev, og rapporteringssys-

tem i samband med dette. I tillegg til den formelle kontakten legg ein vekt på å ha ei brei kontaktflate og ein jamleg og tett dialog.

Både politifagleg og miljøfagleg ekspertise er samla i Sysselmannens organisasjon. Dette mogleggjer ei god fagleg forvaltning av plan- og enkeltsaker, eit godt informasjonsarbeid og ei effektiv etterforsking av miljøkriminalitet. Auke i turisme og ferdsel på Svalbard viser at ein treng å halde godt oppsyn med, og dermed avdekkje moglege brot på føresegna om vern av Svalbards natur- og kulturmiljø, jf. pkt. 2.1.

Sysselmannen har ansvar for redningsberedskapen på Svalbard. Det vert utført om lag 50 redningsaksjonar i året og i dette arbeidet er førebygging viktig. Sysselmannen arbeidar også for heile tida å ha ei best mogleg samhandling med frivillige i redningstenesta. Som eit ledd i dette har Sysselmannen utvida sitt lagerbygg i Sjøområdet i Longyearbyen for å samordne eige redningsutstyr og transportressursar, utstyret til Longyearbyen Røde Kors Hjelpekorps, og ei nedpakka kirurgisk eining frå Universitetssjukehuset Nord-Noreg. Dette vil hjelpe til å spare tid i utrykkingsfasen og til å betre samhandlinga både i akuttfasen og i det daglege arbeidet.

Ei god informasjonssverksemd er viktig for at Sysselmannen skal løyse oppgåvene sine på tilfredsstillande vis. For å nå ut til publikum, jobbar ein mellom annan kontinuerleg med vidareutvikling av Sysselmannen si webside, med trykksaker og anna informasjonsmaterieil og med å ha eit ope og konstruktivt forhold til media. Å vere synleg på øygruppa og ha god kontakt med publikum er viktig for sysselmannskontoret.

Sysselmannen er representert i Svalbard forskingspark, knytt til informasjonssenteret i Svalbardporten og til eit kulturhistorisk magasin. Forskingsparken vart offisielt opna våren 2006.

2.1.3 Leggje til rette for eit godt lokaldemokrati i Longyearbyen

Longyearbyen lokalstyre får løyvinga si over svalbardbudsjettet. Ved utarbeiding av budsjettet får departementet innspel frå lokalstyret. Det blir òg arrangert jamlege kontaktmøte. På desse møta blir bl.a. viktige saker og aktuelle problemstillingar diskuterte.

Lokalstyret har ansvar for å utøve mynde på utvalde saksområde, for offentleg tenesteyting og for utviklingsoppgåver innafor eit geografisk avgrensa område; gardsnummer 22 bruksnummer 1 Longyeardal. Dette inneber bl.a. energiforsyning, samfunns- og arealplanlegging, kart- og delingsforretningar, byggjesaksbehandling, veg, vatn, avløp,

renovasjon, kai, brannvern, økonomiplanlegging, næringsarbeid, statistikkproduksjon, utvikling og samordning av samfunnsstenester retta mot barn, ungdom og vaksne, barnevern, sosialrådgiving, ungdomsarbeid, barnehagar, og drift av skulen.

Longyearbyen lokalstyre har frå januar 2006 organisert verksemda si slik at strategiske oppgåver, utøving av mynde og overordna bestillarfunksjon blir ivaretekne i lokalstyrets eigen administrasjon. Sjølve driftsoppgåvene for samfunnet blir i hovudsak ivaretekne gjennom to kommunale føretak – eit for oppvekst og eit for kultur og fritid, og eit aksjeselskap med ansvar for teknisk infrastruktur – Bydrift Longyearbyen AS (tidlegare Svalbard Samfunnsdrift AS) der Longyearbyen lokalstyre eig 100 pst. av aksjane. I tillegg kjem oppgåver som politisk sekretariat og sekretariat for forlikrådet.

Ansvar for styring og drift av Longyearbyen skule vart overført til Longyearbyen lokalstyre frå 2007. I den samanhengen vart det rammeoverført lønns- og driftsmidlar til svalbardbudsjettet frå Kunnskapsdepartementets budsjett, for å sikre vidareføring av dei tilboda skulen gir.

Myndet til å fastsetje forskrifter om bygningsvesenet på Svalbard er for Longyearbyen arealplanområde delegert til Longyearbyen lokalstyre. Lokalstyret vedtok i 2004 ei eiga byggjesaksforskrift for Longyearbyen.

På oppdrag frå Justisdepartementet og Longyearbyen lokalstyre har Norsk institutt for by- og regionforskning (NIBR) evaluert lokaldemokratiet på Svalbard. Rapporten «Demokrati i motvind» låg føre i mars 2006, og synte at halvparten av innbyggjarane i Longyearbyen var motstandarar av lokalstyreordninga. I tillegg såg rapporten på den lokale politiske deltakinga og verknaden av reforma for tenestetilbodet. Deltakinga ved det siste valet var forholdsvis låg, men rapporten synte at innbyggjarane er aktive i lokalpolitiske samanhengar utanom valet. Det gjeld særleg folk som har budd lenge på Svalbard, og folk som er kritiske til lokalstyreordninga. Justisdepartementet og Longyearbyen lokalstyre arbeider saman om å vidareutvikle lokaldemokratiet i Longyearbyen. Det er mellom anna innført ei ordning med halvårlege kontaktmøte mellom justisministeren og Longyearbyen lokalstyre. Longyearbyen lokalstyre ønskjer å følgje opp evalueringa frå 2006 i samband med lokalstyrevalet hausten 2007, og vil engasjere NIBR til dette. Valtidspunktet er sett til oktober etter eit sterkt ønske frå dei lokale aktørane.

Svalbard museum var fram til 01.01.2006 ein del av Longyearbyen lokalstyres organisasjon. Då vart Svalbard Museum organisert som ein eigen stiftelse, med Sysselmannen på Svalbard, Universitetssenteret på Svalbard (UNIS), Store Norske

Spitsbergen Kulkompani AS, Norsk Polarinstitut og Longyearbyen lokalstyre som stiftarar. Svalbard

museum flytte inn i nye lokale i Svalbard forskingspark i 2006.

3 Forslag til svalbardbudsjett for 2008

Regjeringa ønskjer å bevare eit stabilt og robust norsk familiesamfunn i Longyearbyen på Svalbard for å sikre norsk nærvær i Nordområda. Regjeringa innførte derfor i 2007 eit særskilt skattefrådrag på Svalbard tilsvarende 13 mill. kroner og eit eige svalbardtillegg i barnetrygda tilsvarende 1,3 mill. kroner (Barne- og likestillingsdepartementets budsjett). Regjeringa har i revidert nasjonalbudsjett 2007 auka tilskotet til Svalbard med 20 mill. kroner til etablering av ei robust, framtidretta og miljøvennleg reservekraftløysing i form av eit sentralt plassert dieselkraftanlegg som seinare skal kunne konvertere til biodiesel. Det resterande investeringsbehovet er føresett dekt av Longyearbyen lokalstyre i form av brukarbetaling gjennom eit påslag i straumprisen.

Regjeringa foreslår å innføre eit nytt skattesystem på Svalbard frå 2008 som tilsvare ein inntektsreduksjon og auka tilskot til Svalbard på 14 mill. kroner. Skattesatsen i lønnsrekkeordninga på Svalbard er foreslått redusert frå 12 til 8 pst. for inntekter under 12 G, og auka til 22 pst. for inntekter over 12 G. Det særskilte skattefrådraget for inntektsåra 2006 og 2007 blir ikkje ført vidare. Enkeltpersonføretak skal ikkje lenger berekne personinntekt, men netto overskot frå verksemda blir skattlagt som lønnsinntekt. Skattesatsen for alminneleg inntekt blir auka frå 10 til 16 pst., og botnfrådraget i alminneleg inntekt blir auka frå 10 000 til 20 000 kroner.

Budsjettramman på svalbardbudsjettet for 2008 er 221,2 mill. kroner. Dette er 5,6 mill. kroner eller 2,6 pst. auke i forhold til vedteke budsjett for 2007.

Underskotet på svalbardbudsjettet for 2008 er stipulert til 143,5 mill. kroner og blir dekt inn gjen-

nom eit tilskot over Justisdepartementets budsjett kap. 480 Svalbardbudsjettet post 50 Tilskot. Tilskotet frå statsbudsjettet utgjer den største inntektsposten på svalbardbudsjettet. Storleiken på tilskotet har variert frå år til år, og har vore auka ved ekstraordinære tilskotsbehov. Tilskotet som er foreslått for 2008 utgjer 64,9 pst. av dei venta inntektene.

Bortsett frå statstilskotet er skattar og avgifter frå Svalbard den største inntektsposten, jf. omtala under kap. 3030. Skatteinntektene for 2008 er rekna til 73,6 mill. kroner. Inntektene frå skattar og avgifter utgjer 33,3 pst. av dei samla inntektene over svalbardbudsjettet. Ei omtale av dei føreslegne skatteendringane i 2008 er gitt under kap. 4.4 Finansdepartementet.

Svalbardbudsjettet er i stor grad eit driftsbudsjett. Ein stor utgiftspost er Sysselmannens transporteneste (kap. 6), som bl.a. inkluderer utgifter til redningshelikopter. Andre store utgiftspostar er løyving til Sysselmannens ordinære drift (kap. 5) og Statens bygningar i Longyearbyen (kap. 20). For 2008 er det òg foreslått å løyve 3,5 mill. kroner til dekning av Telenors samfunnsplagte oppgåver på Svalbard. Over kap. 3 Longyearbyen lokalstyre blir det løyvd midlar til drift av lokalstyret og tilskot til drift og utbygging av offentlege tenester og infrastruktur som Longyearbyen lokalstyre har ansvaret for.

Ei oversikt over inntekter og utgifter og ei oversikt over utgiftene fordelte på postnivå er gitt i punkt 5 nedanfor. I del II er det gitt ei nærare omtale av dei enkelte budsjettkapitla.

4 Forslag til løyvingar til svalbardformål frå andre departement over statsbudsjettet (jf. vedlegg 1)

For 2008 er det foreslått løyvd netto om lag 371 mill. kroner over statsbudsjettet til svalbardformål. Dette talet omfattar tilskotet til svalbardbudsjettet over Justisdepartementets kap. 480 og utgiftene til Svalbard som blir dekte over budsjetta til dei andre departementa, jf. vedlegg 1. Inntektene frå Svalbard som går inn på budsjetta til dei andre departementa er trekte frå, jf. vedlegg 2. Tilsvarende tal i 2007 var om lag 331 mill. kroner.

4.1 Miljøverndepartementet

Sysselmannen utøvar miljøvernmyndet for Svalbard. Etaten har ei eiga miljøvernavdeling og er lokal fagetat for Miljøverndepartementet. Departementet har òg delegert mynde på sentrale område til Direktoratet for naturforvaltning (DN), Statens forureiningstilsyn (SFT) og Riksantikvaren. Saman med Norsk Polarinstitut, som er fagleg rådgivar for forvaltninga i polare spørsmål, representerer den faglege kompetansen og forvaltningserfaringa i desse direktorata ei vesentleg støtte til Sysselmannens miljøvernarbeid.

Over Miljøverndepartementets budsjett vil det bli løyvd om lag 90 mill. kroner til svalbardformål. Om lag 70 mill. kroner av dette går til Norsk Polarinstitutts verksemd på og rundt Svalbard. Resten går til Direktoratet for naturforvaltning, Statens kartverk og til forskning og overvaking bl.a. i regi av Noregs forskingsråd. Sjå oversikt over løyvingane i vedlegg 1. Det blir òg løyvd midlar til miljøvernarbeid over svalbardbudsjettet kap. 5 Sysselmannen og kap. 9 Kulturminnetiltak, jf. omtale i del II. I 2006 vart det kulturhistoriske magasinet i den nybygde Svalbard forskningspark i Longyearbyen teke i bruk. Noko av det kulturhistoriske materialet vart òg gjort tilgjengeleg for publikum i det nyopna Svalbard museum.

Miljøvernarbeidet vil i 2008 ha særleg fokus på lokale forureiningar til luft, jord og vatn. Vidare vil arbeidet med å verne store delar av Svalbard kystfarvatn mot potensiell forureining, og regulering av turismen i verneområda i Nordaust-Svalbard bli styrkt. Det skal òg arbeidast for å leggje til rette ei effektiv miljøovervaking og målretta forskingsverksemd på Svalbard som set oss i stand til å føl-

gje og dokumentere utviklinga i miljøtilstanden, oppdage nye miljøproblem tidleg og gjere prioriteringar av miljøtiltak, og å følgje opp forpliktingar ein har i forhold til internasjonale avtaler. Dei effektane den aukande ferdsla har på utsette og sårbare kulturminne og på naturmiljøet skal overvakast, og viktige leveområde for vilt skal sikrast mot inngrep, forstyrning eller annan påverknad frå lokal verksemd.

Svalbards miljøvernfond er oppretta med heimel i Svalbardmiljølova § 98. Fondet er avgiftsfinansiert, og skal bestå av midlar frå miljøgebyr for tilreisande til Svalbard, gebyr for jakt- og fiskekort, gebyr for felling eller hausting av flora og fauna (eller verdien av dette) som er handtert i strid med lova, miljøerstatning fastsett av Sysselmannen eller tvangsmulkt. Midlane kan bare brukast til tiltak som har som mål å verne miljøet på Svalbard.

Fastbuande på Svalbard er unntekne frå plikta til å betale miljøgebyr og det er derfor lagt opp til ei refusjonsordning for denne gruppa. Svalbard likningskontor står for det praktiske arbeidet med refusjonen av gebyret til fastbuande på vegne av Svalbards miljøvernfond. Det er inngått ei avtale mellom likningskontoret og miljøvernfondet fram til 2009 som blant anna regulerer den godtgjeringa likningskontoret skal ha for denne oppgåva.

Det er oppretta eit styre for fondet som skal tildele midlar til ulike prosjekt etter søknad. Først i 2008 vil fondet ha sitt første ordinære år og vere fullt operativt. Sekreteriatet er lagt til Sysselmannen.

Norsk Polarinstitut

Norsk Polarinstitut er underlagt Miljøverndepartementet. Instituttet har ei omfattande verksemd på Svalbard, med bl.a. forskning, miljøovervaking, topografisk og geologisk kartlegging, forskingservice, drift av forskingsstasjonar, ettersyn av fyr, miljøretta kunnskapsformidling og informasjon. Polarinstitutet yter òg logistisk støtte til norsk og utanlandsk forskingsverksemd på Svalbard.

Polarinstitutet driv ein forskingsstasjon i Ny-Ålesund og luftmålestasjon på Zeppelinfjellet. Insti-

tuttet har eit avdelingskontor i Svalbardporten i Longyearbyen og driv der samtidig eit feltlager i samarbeid med UNIS. Kwart år gjennomfører instituttet ein stor sommarekspedisjon på Svalbard, og ei rekkje mindre ekspedisjonar gjennom året. Instituttet brukar òg betydelege ressursar på rådgiving i miljøspørsmål overfor sentrale og lokale forvaltningsorgan og miljøovervaking på øygruppa.

I dei siste åra har Norsk Polarinstitutt styrkt forskings- og overvåkingsverksemda si, som er særleg viktig for forvaltninga av øygruppa. Instituttet har òg styrkt rådgivingskapasiteten sin overfor dei sentrale styresmaktene og Sysselmannen og den norske vertskapsrolla for forskingsaktivitet på Svalbard.

For 2008 er omlag 70 mill. kroner av løyvinga til Norsk Polarinstitutt over Miljøverndepartementets kap. 1471 Norsk Polarinstitutt relatert til Svalbard, jf. vedlegg 1. I tillegg kjem tilskotet frå svalbardbudsjettet, jf. omtala av kap. 17.

4.2 Nærings- og handelsdepartementet

Staten har eigarinteresser i fleire selskap på Svalbard. Nedanfor følgjer ei omtale av dei selskapa Nærings- og handelsdepartementet har interesser i. Nokre av dei får overført statlege midlar.

Store Norske Spitsbergen Kulkompani AS

Store Norske-konsernet består av morselskapet Store Norske Spitsbergen Kulkompani AS (SNSK) og dei heileigde dotterselskapa, Store Norske Spitsbergen Grubekompani AS (SNSG) og Store Norske Gull AS. Store Norske Boliger AS er eit heileigd dotterselskap av SNSG. Staten eig 99,94 pst. av aksjane i SNSK. Kolverksemda skjer gjennom SNSG. Ved utgangen av 2006 hadde SNSK-konsernet 384 tilsette. Store Norske Gull AS vart etablert i 2003 og har som formål å undersøkje og drive gullfelt på Svalbard. Styret i SNSK foreslo i brev av 14. februar 2007 å endre vedtektene til selskapet slik at selskapet òg kan gjere bruk av kompetansen sin utanfor Svalbard. Etter Nærings- og handelsdepartementet sitt syn var den foreslåtte endringa av vedtektene av ein slik grunnleggjande karakter at saka måtte leggjast fram for Stortinget. I St.prp. nr. 69 (2006-2007) Tilleggsbevilgningar og omprioriteringar i statsbudsjettet 2007, vart det foreslått å gi vedtektene til Store Norske eit tillegg, slik at selskapet òg får høve til å drive verksemd i Finmark og Troms. Stortinget slutta seg til dette 15. juni 2007 ved behandlinga av Innst. S.nr. 230 (2006-2007).

I tråd med dette vart det på ordinær generalforsamling i SNSK 29. juni 2007 vedteke ein ny for-

målsparagraf for selskapet. Vedtektenes § 1 fekk eit tillegg med følgjande ordlyd: «Selskapet kan utnytte sin kompetanse innan miljøvennlig ressursutnytting på Svalbard og i Finmark og Troms.»

Store Norske Boliger AS har sidan 2002 vore eit dotterselskap av gruveselskapet SNSG. Bustadselskapet forvaltar konsernets bustader i Longyearbyen. Det er starta opp ein prosess for å omorganisere eigarskapet til Store Norske Boliger AS slik at selskapet blir eit 100 pst. eigd dotterselskap av Store Norske Spitsbergen Kulkompani AS. Bakgrunnen for omorganiseringa er at ein ønskjer å skjerme bustadene i Longyearbyen mot forretningsrisikoen til gruveselskapet.

Konsernet hadde i 2006 driftsinntekter på 1 267 mill. kroner og eit negativt årsresultat på 77,5 mill. kroner. Tilsvarende tal i 2005 var 1 139 mill. kroner og 46 mill. kroner. Forverringa av resultatet skuldast problema med drifta i 2006 etter brannen i Svea Nord-gruva, lågare skadebot for stogg i produksjonen enn året før og auka avskrivningar som følgje av større investeringar i 2005. Høgare bemanning i konsernet har òg ført til større kostnader. I motsett retning trekkjer høgare sal av kol i 2006 samanlikna med 2005. Konsernet selde 2,4 mill. tonn kol i 2006. Selskapet tek sikte på eit årleg produksjonsvolum på 3,3 mill. tonn kol for 2007 og åra framover. For å klare dette må selskapet halde oppe produksjonsnivået frå hausten 2006. Morselskapet SNSK fekk i 2006 eit årsresultat på 7,3 mill. kroner.

Kolverksemda til Store Norske har i mange år vore halden oppe med statlege tilskotsløyvingar. Bakgrunnen for den økonomiske støtta har i hovudsak vore dei nasjonale omsyna som gjer seg gjeldande på Svalbard. Arbeidsplassane knytte til kolgruvedrifta har medverka vesentleg til stabil, heilårleg norsk aktivitet og busetnad.

Selskapet starta hausten 2001 produksjonsdrift i eit nytt gruveområde kalla Svea Nord. Ved Stortingets behandling 19. desember 2001 av prosjektet, jf. St.prp. nr. 2 Store Norske Spitsbergen Kulkompani AS og Svea Nord-prosjektet og Innst. S. nr. 67 (2001-2002), vart det lagt til grunn at gruve-drifta etter dette skal drivast ut frå bedriftsøkonomiske føresetnader og uavhengig av statleg støtte i framtida. Formålet med statleg eigarskap i SNSK og SNSG er å medverke til at samfunnet i Longyearbyen blir halde oppe og utvikla vidare på ein måte som understøttar dei overordna måla i norsk svalbardpolitikk. I tillegg skal selskapet drivast etter bedriftsøkonomiske prinsipp og med sikte på marknadsmessig avkastning på investert kapital.

SNSK vil, etter at gruveverksemda er skilt ut i dotterselskapet SNSG, elles konsentrere verksemda si rundt Longyearbyen og satse på utvikling

av selskapets eidegdommar og andre bergrettar selskapet har på Svalbard.

30.07.2005 braut det ut brann i hovudstollen i Svea Nord-gruva. Arbeidet med å sløkkje brannen vart sett i gang straks og etter kvart med bistand frå ekstern ekspertise. Etter åtte månaders driftstans vart produksjonen i Svea Nord-gruva starta opp att 1. april 2006. Forsikringsoppgjeret er framleis uavklart. Dette har ført til ein anstrengt økonomisk situasjon for selskapet. Kravet mot forsikringsselskapa er på om lag 821 mill. kroner, men det er berre utbetalt 230 mill. kroner. Tvist om forsikringsoppgjeret er ført inn for domstolane og hovudforhandling er sett til 26. september 2007.

Kings Bay AS

Staten eig alle aksjane i Kings Bay AS. Det er foreslått å løyve 25 mill. kroner til Kings Bay AS i 2008, til drift og investeringar, nødvendige utgifter til administrasjonen av AS Bjørnøen, og kostnader knytte til gjennomføringa av Luftfartstilsynets nye krav til tryggleik ved flyplassen i Ny-Ålesund. Kings Bay AS eig grunn og anlegg i Ny-Ålesund og har ansvar for infrastrukturen på staden. Gjennomsnittleg tal på tilsette i 2006 var 23.

Kings Bay AS skal særleg ha som mål å yte tenester til og fremje forskning og vitskapeleg verksemd, og medverke til å utvikle Ny-Ålesund som ein internasjonal arktisk naturvitskapeleg forskingsstasjon. Selskapets driftskonsept er å leige ut fasilitetar til forskarar, og tilby kost og losji og ei rekkje andre tenester under opphaldet. I hovudsak skjer dette gjennom fleirårige kontraktar med forskingsinstitusjonar frå ei rekkje land.

Investeringane som er gjort dei siste åra har resultert i at Ny-Ålesund i dag står fram som ein svært god og funksjonell base for internasjonal forskning og miljøovervaking. Ny-Ålesund har utvikla seg til å bli ein forskingsstasjon med ein svært avansert miljøprofil og eit internasjonalt senter for forskning på klima- og miljørelaterte problemstillingar.

Det internasjonale aspektet er ein kvalitet ved Ny-Ålesund ved at internasjonale forskarar kan møtast og samarbeide om forskning. Norske, tyske, britiske, italienske, franske, japanske, sørkoreanske og kinesiske forskingsstasjonar har etablert seg permanent i Ny-Ålesund. I tillegg nyttar andre norske og utanlandske forskingsinstitusjonar staden. Rundt 20 land har kvart år forskingsprosjekt i Ny-Ålesund.

I juni 2005 vart det nye arktiske marinlaboratoriet opna i Ny-Ålesund. Den internasjonale interessa for marinlaboratoriet er stor, og det er gjort forpliktande leigetilsegn for dei ti første åra for ei

rekkje land og institusjonar. Generelt er oppfatninga at globale endringar i klimaet først vil kunne observerast i polarregionane på grunn av endringar i isforholda og fordeling av varme atlantiske og kalde arktiske vassmassar. Kongsfjorden-Krossfjorden, der marinlaboratoriet ligg, er ein godt eigna stad for å drive slik forskning. Marinlaboratoriet er det nordlegaste i verda og er strategisk plassert på randa av Polhavet. Den framtidssretta utforminga gjer at laboratoriet blir funksjonelt for marin eksperimentell forskning på høgt nivå, og laboratoriet vil bli ein viktig brikke i nasjonale og internasjonale marine forskingsnettverk.

Den aukande interessa for å etablere og utvide forskning på staden stiller krav til korleis selskapet legg forholda til rette. Forskingsaktivitet og tilrettelegging av infrastrukturen er prioritert i samsvar med intensjonen i strategisk plan for staden, utvikla av selskapet og Norsk Polarinstitutt i fellesskap. Anna næringsverksemd må tilpassast dei rammene som forskingsverksemda krev.

I forlenginga av behandlinga av den strategiske planen for Kings Bay AS, slutta Det interdepartementale polarutvalet i august 2004 seg til eit forslag om å arrangere eit høgt profilert internasjonalt symposium i Ny-Ålesund. Symposiet vart første gongen arrangert i mars 2006 i Ny-Ålesund. Symposiet har som mål å bringe sentrale personar innan politikk, næringsliv, forskning og forvaltning saman for å diskutere viktige spørsmål innan miljø- og samfinnsutvikling.

I samband med ny operativ godkjenning av flyplassen til Kings Bay AS i Ny-Ålesund av 1. oktober 2006, har Luftfartstilsynet stilt ei rekkje nye krav til tryggleiken. Krava er baserte på internasjonale EU-reglar som vil gjelde for alle kortbaneflyplassar i Noreg. Kings Bay har fått frist til 1. oktober 2008 med å ivareta krava. Nokre av krava gjeld betre lyssetjing og instrumentering. Desse kostnadene er førebels rekna ut til om lag 2 mill. kroner. Det største og mest kostnadskevande arbeidet vil knytte seg til utbetring av tryggleikssona på og rundt sjølve rullebana. Dette vil innebære omfattande flytting av massar og arronderingar av sidene på rullebana. Kostnadene er vurderte til om lag 8 mill. kroner. Førebels er dei samla kostnadene ved utbetringa av flyplassen vurdert å utgjere 10 mill. kroner.

Bergvesenet med Bergmeisteren for Svalbard

Etaten administrerer Bergverksordninga for Svalbard, fastsett ved kgl. res. 7. august 1925 og utfyllande reglar for petroleumsvirksemda. Desse reglane regulerer tilgangen til mineralressursane på Svalbard. Etter forskrift 28. juni 2002 nr. 650 om

konsekvens og avgrensning av planområda på Svalbard, har etaten ei viktig rolle i samband med konsekvensutgreiingar i saker som gjeld bergverks- og gruvedrift. I slike saker skal etaten, i samråd med Sysselmannen, fastsetje utgreiingsprogram og sluttdokument.

Bergvesenet med Bergmeisteren for Svalbard tildeler utmål, gir råd, rettleiing og oversikt over funn og førekomstar av geologisk art på Svalbard, og fører tilsyn med opningar knytte til nedlagte gruveverksemdar. For å sikre at bergverksaktiviteten skjer i samsvar med dei miljøkrava som gjeld, bl.a. gjennom svalbardmiljølova, gir etaten informasjon om miljøregelverket og dei krav som er stilte.

Følgjande verksemdsidé er utarbeidd for etaten: *Bergvesenet med Bergmeisteren for Svalbard skal arbeide for at Noregs mineralressursar blir forvalta og utnytta til beste for samfunnet.* Ut frå denne verksemdsideen er det fastsett følgjande hovudmål for den delen av etaten si verksemd som er retta utover:

- effektivt å forvalte gitte fullmakter, og vere sakkyndig organ i saker som gjeld mineralnæringa
- arbeide for å redusere miljøkonsekvensane av mineraluttak, og medverke til ei balansert miljøforvaltning
- arbeide for auka verdiskaping innan mineralnæringa
- arbeide for auka forståing av den verdien mineralnæringa har for samfunnet.

For 2008 vil etaten prioritere saksbehandling og tilsynsverksemd. Etaten vil informere om miljøregelverket og sjå til at undersøkingar og uttak av mineral blir gjennomførte slik at også ressurs- og miljøaspekt blir tekne vare på. Det blir elles vist til nærare omtale av etaten under kap. 906 Bergvesenet med Bergmeisteren for Svalbard i Nærings- og handelsdepartementet sin St.prp. nr. 1 (2007-2008).

Svalbard Reiseliv AS

Svalbard Reiseliv AS er eigd av Svalbard Reiselivsråd, som er ei samanslutning av eit breitt spekter av aktørar med interesser knytte til reiselivet på Svalbard. Målet med tilskotet til Svalbard Reiseliv AS er å medverke til auka verdiskaping og betre lønsemd for reiselivet ved å informere, profilere og marknadsføre Svalbard som reisemål.

Det er ei viktig oppgåve for Svalbard Reiseliv AS å leggje vekt på å utvikle eit miljøtilpassa reiseliv i tråd med det overordna målet for regjeringa og reiselivsnæringa.

I 2006 vart det registrert 83 049 gjestedøgn ved overnattingsverksemdar i Longyearbyen. Dette er ein auke på 8,5 pst. samanlikna med året før då det vart registrert 76 570 gjestedøgn. Nordmenn står for om lag 73 pst. av gjestedøgna. I alt kom det 33 284 gjester til Svalbard i 2006, noko som var ein auke på 13,8 pst. sett i høve til året før. I tillegg kjem gjester som ikkje nyttar overnattingsverksemdene, og cruisepassasjerar. Svalbard Reiseliv AS har i samarbeid med reiselivsbransjen arbeidd aktivt dei seinare åra for å auke talet på turistar til Svalbard i mørketida. Talet på yrkesreisande har gått ned med 7 pst. samanlikna med 2005, mens talet på ferie- og fritidsreisande har auka igjen etter å ha gått ned dei siste åra.

Det er foreslått å løyve eit tilskot på 2 mill. kroner til Svalbard Reiseliv AS over statsbudsjettet for 2008.

Svalbard Satellittstasjon

Svalbard Satellittstasjon (SvalSat) vart offisielt innvigd i juni 1999. Stasjonen ligg i nærleiken av Longyearbyen. SvalSat les ned data for sivile formål frå satellittar i polare baner og styrer også desse satellittane. Kongsberg Satellite Services AS, som er eigd 50 pst. av Norsk Romsenter og 50 pst. av Kongsberg Aerospace & Defence Systems AS, eig infrastrukturen og står for drifta av SvalSat og Tromsø Satellittstasjon. I tillegg eig selskapet to antenner. NASA har bygd ei antenne som blir nytta av fleire av deira satellittar. Den europeiske organisasjonen for meteorologisatellittar (EUMETSAT) har bygd to antenner. Vidare har Telenor bygd ei telekommunikasjonsantenne på SvalSat. Norsk Romsenter og Kongsberg Satellite Services AS arbeider for å skaffe fleire kundar til SvalSat. SvalSat er verdas mest kostnadseffektive nedlesingsstasjon for satellittar i polare baner.

Bygginga av ei antenne for IPO, som er ei avdeling i den sivile amerikanske vêrvarslingsstenesta National Oceanic and Atmospheric Administration (NOAA) er avslutta. Kongsberg Satellite Services AS har inngått ein kontrakt med IPO om framtidige nedlesings- og dataoverføringstenester. Kontrakten har gjort det mogleg for Norsk Romsenter å etablere eit fiberkabelsamband mellom Andøya og Longyearbyen. Fiberkablane tilbyr samtidig generelle breibandstenester til Longyearbyen.

Forskrift 11. juni 1999 nr. 664 om etablering, drift og bruk av jordstasjon for satellitt regulerer bl.a. verksemda ved Svalbard Satellittstasjon. Sysselmannen på Svalbard skal føre kontroll med at verksemda skjer i samsvar med Svalbardtraktaten.

Svalbard Rakettskytefelt

Andøya Rakettskytefelt A/S har etablert Svalbard Rakettskytefelt (SvalRak) i Ny-Ålesund. Anlegget stod ferdig i 1997. Infrastrukturen på SvalRak er eid av Andøya Rakettskytefelt A/S. Formålet med SvalRak er oppskyting av forskingsrakettar. Som følge av lokaliseringa nær den magnetiske nordpolen gir målingane frå raketttane resultat av stor vitskapeleg verdi. Det er utført fleire oppskytingar og dei siste vart gjennomførte ved årsskiftet 2003-2004.

4.3 Kunnskapsdepartementet

Det har vore ein større auke i forskings- og utdanningsverksemda på øygruppa det siste tiåret. Regjeringas nordområdestrategi peikar på at Svalbard er ein viktig arena for internasjonalt utdannings- og forskingssamarbeid i nordområda.

Universitetsenteret på Svalbard

Universitetsenteret på Svalbard AS (UNIS) vart oppretta som statleg aksjeselskap 29.11.2002 og er ein viktig del av nordområdesatsinga. Selskapet avløyste stiftelsen Universitetsstudia på Svalbard, som vart oppretta av dei fire norske universiteta i 1994. I budsjettet for 2006 vart det løyvd 1,4 mill. kroner til ti nye studieplassar, slik at talet på studie-plassar som Kunnskapsdepartementet finansierer er 125.

Studiet skal ha ein internasjonal profil, og det blir teke sikte på at ein stor del av studentane skal vere utanlandske. Studentaktiviteten i 2006 utgjorde 113 årsekvivalentar. I 2006 var om lag 45 pst. av studentane frå utlandet. Om lag 45 pst. var kvinner. Det er no totalt 12 stipendiatstillingar ved UNIS. Nordlysobservatoriet/Kjell Henriksen-observatoriet vart opna sommaren 2007. I budsjettet til Kunnskapsdepartementet er det for 2008 foreslått å løyve 78,7 mill. kroner på kap. 281 post 74 Tilskot til UNIS.

Noregs forskingsråd

Noregs forskingsråd driv ei rekkje forskingsprogram som involverer forskning på og i havområda omkring Svalbard. Slike program er NORKLIMA, Havet og kysten og Romforskningsprogrammet. Desse programma blir finansierte ved løyvingar frå ei rekkje departement og budsjettkapittel. Det er vanskeleg å seie på førehand kor stor del av desse løyvingane som kjem forskning på Svalbard til gode. Forskningsrådet har gjort eit overslag som viser at det for 2006 vart løyvd om lag 70 mill. kroner til

polarforskning innanfor desse programma, der forskning på Svalbard kan dreie seg om omlag 25 mill. kroner.

NORKLIMA er deltakar i ERA-NET (EUROPOLAR) som ønskjer å fremje samarbeid mellom europeiske polarforskningsprogram og å syte for eit samarbeid innan den europeiske forskingsstrukturen for polarforskning.

Om lag 14 mill. kroner av den ordinære faglege løyvinga til Noregs forskingsråd for 2008, kap. 285 post 52, går til tiltak som gjeld Svalbard direkte. Noregs forskingsråd har ansvaret for å finansiere ei betre samordning av forskinga på Svalbard, bl.a. gjennom driftsløyving til Svalbard Science Forum. Forskningsrådet gir vidare stipend for utjamning av meirkostnader ved å leggje forskingsverksemd til Svalbard og søker å styrkje samarbeidet mellom Noreg og Russland og mellom NFR og National Science Foundation innan polarforskning ved særskilte avsette løyvingar.

Det internasjonale polaråret (IPY) 2007-2008 er ei stor internasjonal satsing innan polarforskning der meir enn 60 nasjonar deltek og der store resursar blir sette inn. Den internasjonale IPY-nemnda har peikt ut 218 hovudprosjekt. Av desse gjeld 166 forskning og 52 utdanning og informasjon. Noreg er deltakar i 50 av prosjekta med finansiering over den generelle IPY-løyvinga til Forskningsrådet, og leier ti av desse forskingsprosjekta. I tillegg deltek ei rekkje norske institusjonar og enkeltforskarar i prosjekt finansierte av eigne løyvingar. Regjeringa ønskjer at Noreg skal gå sterkt inn i dette samarbeidet og ta mål av seg til å ha ei førande rolle. Det har frå og med 2006 gått føre seg ei grundig planlegging av den norske IPY-deltakinga, og mange forskingsprosjekt med relevans for Svalbard har fått løyving. Regjeringa går inn for å løyve til saman over 320 mill. kroner til IPY over ein fireårsperiode.

For 2007 er det frå Kunnskapsdepartementet, Miljøverndepartementet og Justisdepartementet løyvd 85 mill. kroner til norsk deltaking i IPY. Regjeringa legg opp til å vidareføre løyvinga på same nivået i 2008. Løyvinga skal dekkje forskning på vegner av heile departementsfellesskapet. Av praktiske omsyn er likevel løyvinga samla under Kunnskapsdepartementets budsjett, kap. 286, post 50. Det er vanskeleg på førehand å seie kor stor del av desse løyvingane som kjem forskning på Svalbard og i havområda omkring til gode.

Forskningsrådet har frå 2006 arbeidd med å revitalisere Svalbard Science Forum (SSF) for å styrkje informasjonen om og samordninga av forskning på Svalbard. SSF held til i den nye Forskningsparken i Longyearbyen og kontoret er leid av ein forskingskoordinator. SSFs viktigaste oppgåve i 2006

har vore å arbeide fram ei nettside med informasjon om kva for forskingsprosjekt som har vore og som er i gang på Svalbard. Nettsida har vore vellykka og har hatt mange brukarar. SSF har òg til oppgåve å informere om å leggje til rette for forskning på Svalbard. SSF har vidare arbeidd med å fordele stipend til forskarar og studentar. Stipenda skal kompensere for dei meirkostnadene det er å drive forskning på Svalbard.

Forskringsrådet har gitt NIFU STEP i oppdrag å gjennomføre ei ny undersøking om mengda av norsk polarforskning og om kor mykje av denne forskinga som er knytt til Svalbard. Ei tilsvarende undersøking vart gjennomført i 2001. Den nye undersøkinga vil derfor vere viktig for å syne utviklinga.

Longyearbyen skule

Utgiftene til Longyearbyen skule har til og med 2006 vorte dekte over budsjettet til Kunnskapsdepartementet. Med verknad frå 01.01.2007 vart ansvaret for styring og drift av skulen med tilhøyrande tenester lagt til Longyearbyen lokalstyre, og utgiftene til skulen blir dekte frå kap. 3 Tilskot til Longyearbyen lokalstyre på svalbardbudsjettet.

Meteorologiske tenester

Kunnskapsdepartementet finansierer drifta av dei meteorologiske stasjonane på Bjørnøya og Hopen over Meteorologisk institutts budsjett. Utgifter knytte til husleige for statens bygningar på Bjørnøya og Hopen vart frå 2005 ført over kap. 19 Statens bygningar på Bjørnøya og Hopen på svalbardbudsjettet. Instituttet har òg flyvêrteneste ved Svalbard lufthamn på oppdrag frå Avinor.

EISCAT

EISCAT (European Incoherent Scatter Radar) er ein internasjonal organisasjon som ved hjelp av store radarinstallasjonar driv atmosfæreforskning, bl.a. på nordlys og ozon. Informasjonen som radarane gir har òg verdi for navigering, satellittposisjonering, telesamband med meir. Radarane kan òg gi førehandsinformasjon om partikkelutbrot frå sola, som kan få store uheldige konsekvensar for ulik infrastruktur på landjorda.

Det er inngått ei ny samarbeidsavtale for EISCAT som gjeld i fem år frå 01.01.2007. Noreg og dei andre nordiske landa har etter den nye avtala teke på seg ein større del av observasjonstida. Kina har kome til som nytt medlem, og Institut für Atmosphärenphysik, Kuhlungsborner, Leibniz er blitt tysk partner frå 2007.

For 2008 vil den norske kontingenten for EISCAT vere på 4,8 mill. kroner.

Barnehagar

Ved utgangen av 2006 gjekk 106 barn i barnehage i den norske busetnaden på Svalbard, fordelt på to ordinære barnehagar. Lov 17. juni 2005 nr. 64 om barnehager (barnehagelova) gjeld ikkje for Svalbard. Kongen har i medhald av § 25 høve til å fastsetje forskrift om å gi lova verknad for Svalbard. Det er ikkje fastsett slik forskrift, men barnehagedrifta på Svalbard er regulert gjennom vilkår stilte for statstilskot til drift av barnehagane på Svalbard over kap. 231 Barnehagar post 60 Driftstilskott til barnehagar på Kunnskapsdepartementet sitt budsjett.

Vilkår stilte til tilskotet tek utgangspunkt i føresegnene i barnehagelova så langt dei passar. Dette inneber til dømes at barnehagane må halde seg til gjeldande krav til personale, lokale og uteområde, og arbeide i samsvar med *Rammeplan for innhaldet i og oppgåvene til barnehagen*. Eigarane av barnehagane på Svalbard sender søknad om statstilskot til Longyearbyen lokalstyre. Longyearbyen lokalstyre kontrollerer at opplysningane i søknadene er korrekte og søker om statstilskot på vegner av barnehagane. Det er Kunnskapsdepartementet som behandlar søknadene og betaler ut tilskotet.

4.4 Finansdepartementet

Det er ei eiga skattelov for Svalbard. Gjennom lov 29. november 1996 nr. 68 om skatt til Svalbard (svalbardskattelova) er dei alminnelege føresegnene om likningsforvaltning og skatteinnkrevjing i stor grad gjort gjeldande for Svalbard for inntekt som blir likna.

Regjeringa foreslår endringar i skattesystemet for Svalbard. Endringane vil gjere skattesystemet for Svalbard meir tidsmessig og betre tilpassa det ordinære norske skattesystemet og internasjonale rammevilkår. Ein foreslår at endringane vert gjennomførte frå og med inntektsåret 2008. Dei endringane som er foreslått er i stor grad i samsvar med forslaga frå Arbeidsgruppa for utgreiing av svalbardskatt. Regjeringa foreslår endringar på tre hovudområde:

- ordninga med brutto lønnskattlegging (*lønns-trekk*) blir modifisert. Som utgangspunkt skal det trekkjast skatt ved lønnsstrekk med 8 pst., i tillegg av trygdeavgift for tilsette som er medlemmer av den norske folketrygda. For samla årsinntekt over 12 gonger folketrygdas grunn-

beløp, skal det trekkjast skatt med ein høgare sats på 22 pst.

- I selskaps- og kapitalskattelegginga blir det lagt opp til ein annan *satsstruktur*. For slik inntekt foreslår ein skattesats på 16 pst. Samtidig foreslår ein at det generelle botnfrådraget i alminnelig inntekt blir dobla, frå kr 10 000 til kr 20 000. Det skal framleis ikkje reknast skjerming for personlege selskapsdeltakarar som er heimehøyrande på Svalbard, og fritaksmetoden skal framleis nyttast på Svalbard.
- For *sjølvstendig næringsdrivande* foreslår ein ei endring ved at desse ikkje lenger skal rekne personinntekt etter skjermingsmetoden. I staden skal netto næringsoverskot skatlegast med same skatte- og trygdeavgiftssatsar som lønn.

Frå og med inntektsåret 2007 vart det på Svalbard gitt eit eige svalbardtillegg i barntrygda. Det er lagt til grunn at dette tillegget skal vidareførast for å ivareta omsyn til barnefamiljar på Svalbard.

Arbeidsgruppa for utgreiing av svalbardskatt drøfta særskilt den praksisen som har utvikla seg knytt til vilkåra for skatteplikt til Svalbard og pendling mellom bustad på fastlandet og arbeidsstad på Svalbard. Finansdepartementet vil ikkje foreslå noko innstramming av praksis i spørsmålet om pendling til fastlandet. Det er likevel lagt opp til å nedsetje ei hurtigarbeidande interdepartemental arbeidsgruppe som vil vurdere spørsmålet om pendling mellom Svalbard og fastlandet, og forholdet til svalbardskattereglane. Gruppa vil vurdere ulike sider ved ei eventuell innstramming av praksis, under dette korleis behovet for kontroll kan takast vare på. Etter Finansdepartementet si vurdering er det også føremålstenleg at ei slik gruppe ser på korleis ei slik normalisering for utanlandske busettingar bør gjennomførast.

For ytterlegare omtale av dei foreslåtte skatteendringane, sjå omtale i Ot.prp. nr. 1 (2007-2008) og St.prp. nr. 1 (2007-2008) Finansdepartementet.

Svalbard likningskontor

Svalbard likningskontor vart etablert i Longyearbyen i september 1998. Likningsrådet for Svalbard, som vart oppretta i medhald av den tidlegare skattelova for Svalbard frå 1925, vart formelt avvikla pr. 01.11.1998. Svalbard har eiga likningsnemnd og overlikningsnemnd. Funksjonane som fylkesskattekontor og fylkesskattenemnd for Svalbard er lagt til Troms fylkesskattekontor og Troms fylkesskattenemnd.

Ved forskrift 4. februar 1994 nr. 111 om register over befolkninga på Svalbard vart det etablert

befolkningsregister for Svalbard. Frå desember 1999 er befolkningsregisteret administrert av Svalbard likningskontor.

I samband med etableringa av Svalbard miljøfond skal Svalbard likningskontor stå for det praktiske arbeidet med refusjonen av gebyret til fastbuande, sjå omtale under kap. 4.1.

I tillegg til å administrere befolkningsregisteret og å utføre likning etter svalbardskattelova, skal likningsforvaltninga rekne ut kolavgift etter lov 17. juli 1925 nr. 2 om avgift av kol, jordolje og andre mineral og bergarter som blir utførte frå Svalbard.

Løyvingane til likningskontoret går over svalbardbudsjettet. Sjå omtale under kap. 22 Likningsforvaltninga for Svalbard.

4.5 Samferdselsdepartementet

Telenor AS tilbyr telenett og teletenester til Svalbard. Tidlegare gjekk teletrafikken mellom fastlandet og øygruppa via satellittsamband. Frå januar 2004 har Svalbard fått samband med fastlandet via fiberkabel. Kabelen er primært etablert for å betre kommunikasjonen til og frå jordstasjonsverksemda på Svalbard, men lokalsamfunnet vil òg kunne nytte kapasitet i kabelen. Norsk Romsenter AS har teke initiativ til og eig kabelen, mens Telenor er gitt ansvaret for drifta. Sommaren 2005 vart det etablert ein ny radiolink mellom Ny-Ålesund og Longyearbyen med vesentleg høgare kapasitet enn tidlegare. Dette inneber at Ny-Ålesund kan nytte kapasiteten i fiberkabelen betre. Dekning av eventuelle meirkostnader for Telenor ved å tilby samfunnspålagte teletenester for Svalbard er regulert i ei eiga avtale mellom Telenor og Justisdepartementet.

Posten Noreg AS utfører samfunnspålagte posttenester på Svalbard. Posten reknar med at tenestene vil gå i balanse i 2008. Eit eventuelt underskot vil bli belasta over ei eventuell løyving til statleg kjøp av posttenester over Samferdselsdepartementets budsjett.

4.6 Barne- og likestillingsdepartementet

Barnetrygd

Lov 8. mars 2002 nr. 4 om barnetrygd er gjort gjeldande for personar som er medlemmer i folkestrygda etter lov 28. februar 1997 nr. 19 om folkestrygd § 2-3, og som oppheld seg på Svalbard. Det vart i 2006 utbetalt barnetrygd til om lag 350 barn busette på Svalbard. I 2008 er det venta at 5,9 mill. kroner vil gå til dekning av utgifter til barnetrygd

for busette på Svalbard over kap. 845 Barnetrygd, post 70 Tilskot.

Som eit tiltak overfor barnefamiliane for å oppretthalde eit robust familiesamfunn i Longyearbyen, vart det innført eit svalbardtillegg på kr 3 840 i barnetrygda (tilsvarande finnmarkstillegget) frå og med 2007. Tiltaket blir ført vidare i 2008.

Kontantstøtte

Lov 26. juni 1998 nr. 41 om kontantstøtte til småbarnsforeldre, er på same måten som barnetrygdlova gjort gjeldande for Svalbard. Det er for 2008 rekna ut at om lag 0,8 mill. kroner vil gå til kontantstøtte over kap. 844 Kontantstøtte, post 70 Tilskot.

Barnevernet

Forskrift 1. september 1995 nr. 772 om å gjere lov om barneverntenesta gjeldande på Svalbard regulerer fordelinga av ansvar og dekninga av utgifter til barneverntiltak overfor barn og unge som oppheld seg på Svalbard. Barneverntenesta sine oppgaver etter barnevernlova er utførte av Longyearbyen lokalstyre, jf. delegasjonsvedtak frå departementet av 21. desember 2001. Statleg regional barnevernstyremakt ved region nord har ansvaret for å yte tenester til barnet i samsvar med lova § 8-2. Fylkesmannen i Troms skal føre tilsyn med barneverntenesta på Svalbard og elles utføre dei oppgåvene som følger av barnevernlova § 2-3 tredje ledd.

4.7 Helse- og omsorgsdepartementet

Longyearbyen sjukehus gir helsetenester til den norske befolkninga på Svalbard og alle som ferdist på og rundt øygruppa. Den russiske busetnaden i Barentsburg har eiga helseteneste som er eigenfinansiert, jf. reglane i Bergverksordninga for Svalbard.

Longyearbyen sjukehus er eit akuttmedisinsk beredskapssjukehus og yter 1. og 2. linjetenester, dvs. tenester tilsvarende eit helsesenter på fastlandet. Ved større ulykker må det tilkallast hjelp frå fastlandet. Personell frå sjukehuset skal innfor beredskapsordninga til sjukehuset bemanne Sysselmansens redningshelikopter ved ambulansoppdrag.

Frå 2002 vart Longyearbyen sjukehus lagt under det regionale helseføretaket Helse Nord RHF. Organisatorisk er Longyearbyen sjukehus tilknytt Universitetssjukehuset i Nord-Noreg HF. Som følge av omlegginga er løyvingane til sjuke-

huset lagt inn i ramma til Helse Nord RHF, jf. kap. 732, post 75.

Helselovene er ikkje gjort gjeldande for Svalbard, men det finst ein eigen lege- og sunnhetsforskrift for Svalbard som er frå 1928. Helse- og omsorgsdepartementet har no starta eit arbeid med å vurdere helselovgevinga på Svalbard.

4.8 Fornyings- og administrasjonsdepartementet

Statsbygg forvaltar hovuddelen av dei statlege eigedommane i Longyearbyen, bl.a. Svalbard forskingspark, Svalbard kyrkje, Sysselmansens administrasjonsbygning, post- og bankbygget, fleire lagerbygningar og 110 bustader. Statsbygg forvaltar òg dei meteorologiske stasjonane på Hopen og Bjørnøya, og Norsk Polarinstitutt forskingsbygg (Sverdrupstasjonen) i Ny-Ålesund. Statsbygg har avtale med Universitetssjukehuset i Nord-Noreg HF om drifta av sjukehuset i Longyearbyen.

Dei meteorologiske stasjonane på Bjørnøya og Hopen, Longyearbyen skule og Svalbard kyrkje vart innlemma i husleigeordninga frå 01.01.2004. Drifts- og vedlikehaldskostnader for desse eigedommane er dekte over kap. 2445 Statsbygg under Fornyings- og administrasjonsdepartementet.

Nytt Nordlysobservatorium og Svalbard globale frøkvelv blir ferdigstilte i 2007. Longyearbyen skule og bustadene som høyrde til skolen, vart overførte til Longyearbyen lokalstyre 01.01.2007.

4.9 Kultur- og kyrkjedepartementet

På Kultur- og kyrkjedepartementets budsjett for 2008 er det foreslått avsett midlar til velferdstiltak på Svalbard. Det er over kap. 320 Allmenne kulturformål, post 74 Tilskot til tiltak under Norsk kulturråd foreslått eit tilskot på 146 000 kroner til kulturtiltak. Norsk kulturråd forvaltar tilskotet som blir kanalisert gjennom Longyearbyen lokalstyre.

Vidare er det over kap. 326 Språk-, litteratur- og bibliotekformål, post 78 Ymse faste tiltak, foreslått eit tilskot på 247 000 kroner til bibliotekteneste på Svalbard i 2008. Bydrift Longyearbyen har driftsansvar for Longyearbyen folkebibliotek, men Longyearbyen lokalstyre yter tilskot til drifta.

Svalbardposten mottek pressestøtte etter reglane i forskrift om produksjonstilskot til dagspressa. Tilskotet blir rekna ut etter opplagstala til avisene, og tilskotet det enkelte år blir ikkje fastsett før i oktober same året. Svalbardposten fekk 360 000 kroner i produksjonstilskot i 2006. Tilskotet for 2007 vil venteleg bli om lag det same.

Svalbard kyrkje

Svalbard kyrkje betener alle som bur på øygruppa. Forutan den norske busetjinga i Longyearbyen og Ny-Ålesund inkluderer dette òg befolkninga i Barentsburg, Hornsund og Svea, og dessutan fangstfolk og andre som overvintrar rundt om på Svalbard.

Kyrkja har som mål at også utanlandske busette på Svalbard skal få tilgang til kyrkjelege tenester. Ein søker å leggje praktisk til rette for at befolkninga i Barentsburg og i Hornsund òg kan dra nytte av prestar som høyrer heime i deira eigne kyrkjесamfunn.

Kyrkja på Svalbard utfører alminnelege tenester så som gudstenester, dåp, konfirmasjon, vigsel, sørgjegudstenester og sjelesorg i tillegg til anna kyrkjeleg verksemd utført av prest og kateket. Pei-sestova i kyrkja vert driven av hushaldsstyraren og er ein samlingsstad for kyrkja sitt arbeid for busetjinga, gjester og turistar.

I Longyearbyen har kyrkja eit utstrekt samarbeid med skule, barnehagar og sjukehus. Soknepresten har sete i LRS (lokal redningssentral), og samarbeidet mellom kyrkja og Syssele mannen er godt.

5 Oversikt over forslag til løyvingar på svalbardbudsjettet for 2008

Følgjande oversikt viser rekneskapstal for 2006, vedtekte budsjett for 2007 og forslag til løyving over svalbardbudsjettet for 2008. Inntektene er eksklusive tilskotet frå statsbudsjettet.

| | Rekneskap 2006 | Saldert budsjett 2007 | Forslag 2008 |
|-----------|-------------------|--------------------------|-----------------|
| Utgifter | 189 498 | 215 683 | 221 247 |
| Inntekter | 122 096 | 91 774 | 77 760 |

(i 1000 kr)

Utgifter under programkategori 06.80 fordelt på kapittel

| Kap. | Nemning | Rekneskap 2006 | Saldert budsjett 2007 | Forslag 2008 | Pst. endr. 07/08 |
|------|--|-------------------|--------------------------|-----------------|---------------------|
| 0001 | Svalbard kyrkje | 3 344 | 3 350 | 3 600 | 7,5 |
| 0002 | Tilskot til kulturelle formål m.m. | 860 | 960 | 960 | 0 |
| 0003 | Tilskot til Longyearbyen lokalstyre | 60 923 | 86 954 | 88 800 | 2,1 |
| 0005 | Sysselmannen (jf. kap. 3005) | 27 811 | 25 800 | 26 250 | 1,7 |
| 0006 | Sysselmannens transportteneste (jf. kap. 3006) | 62 902 | 65 700 | 67 600 | 2,9 |
| 0007 | Tilfeldige utgifter | 4 065 | 4 100 | 4 100 | 0 |
| 0009 | Kulturminnetiltak | 2 062 | 2 100 | 2 100 | 0 |
| 0011 | Bergmeisteren | 1 119 | 1 310 | 1 310 | 0 |
| 0017 | Refusjon til Norsk Polarinstitut | 2 750 | 2 750 | 2 800 | 1,8 |
| 0018 | Fyr og radiofyr | 3 400 | 3 400 | 3 450 | 1,5 |
| 0019 | Statens bygningar på Bjørnøya og Hopen | 5 436 | 5 600 | 5 950 | 6,3 |
| 0020 | Statens bygningar i Longyearbyen (jf. kap. 3020) | 12 532 | 11 159 | 11 700 | 4,8 |
| 0022 | Likningsforvaltninga for Svalbard | 2 294 | 2 500 | 2 627 | 5,1 |
| | Sum kategori 06.80 | 189 498 | 215 683 | 221 247 | 2,6 |

(i 1 000 kr)

Utgifter under programkategori 06.80 fordelt på postgrupper

| | | (i 1 000 kr) | | | |
|----------|--|-------------------|--------------------------|-----------------|---------------------|
| Post-gr. | Nemning | Rekneskap 2006 | Saldert budsjett 2007 | Forslag 2008 | Pst. endr. 07/08 |
| 01-23 | Driftsutgifter | 124 108 | 124 519 | 128 087 | 2,9 |
| 30-49 | Nybygg, anlegg m.v. | 857 | 500 | 600 | 20 |
| 50-58 | Overføringer til andre statsrekneska- par | 2 750 | 2 750 | 2 800 | 1,8 |
| 70-89 | Overføringer til private | 61 783 | 87 914 | 89 760 | 2,1 |
| | Sum under departementet | 189 498 | 215 683 | 221 247 | 2,6 |

Inntekter under programkategori 06.80 fordelte på kapitler

| | | (i 1 000 kr) | | | |
|------|---|-------------------|--------------------------|-----------------|---------------------|
| Kap. | Nemning | Rekneskap 2006 | Saldert budsjett 2007 | Forslag 2008 | Pst. endr. 07/08 |
| 3005 | Sysselmannen (jf. kap. 5) | 11 397 | 300 | 250 | -16,7 |
| 3006 | Sysselmannens transportteneste (jf. kap. 6) | 1 289 | 1 100 | 1 100 | 0 |
| 3020 | Statens bygninger i Longyearbyen (jf. kap. 20) | 2 819 | 2 784 | 2 820 | 1,3 |
| 3030 | Skattar og avgifter | 106 590 | 87 590 | 73 590 | -16 |
| 3035 | Tilskot frå statsbudsjettet | 67 002 | 123 909 | 143 487 | 15,8 |
| | Sum kategori 06.80 | 189 098 | 215 683 | 221 247 | 2,6 |

Del II
Dei enkelte utgifts- og inntektskapitla

Kap. 0001 Svalbard kyrkje

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Driftsutgifter | 3 344 | 3 350 | 3 600 |
| | Sum kap 0001 | 3 344 | 3 350 | 3 600 |

Det blir utført tre årsverk ved Svalbard kyrkje. Foreslått løyving skal dekkje husleige, lønnsutgifter, varer og tenester som kyrkja står for i arbeidet sitt, drift av tenestebil og snøskuter, leige av heli-

kopter, og drift av bustad med meir. Drifts- og vedlikehaldskostnader for kyrkja blir dekte over Fornyings- og administrasjonsdepartementet kap. 2445 Statsbygg.

Kap. 0002 Tilskot til kulturelle formål m.m.

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|--|-------------------|--------------------------|-----------------|
| 70 | Tilskot til velferdsarbeid på Svalbard | 860 | 960 | 960 |
| | Sum kap 0002 | 860 | 960 | 960 |

Forslaget til løyving skal i tråd med praksis fordelast mellom befolkninga i Barentsburg og dei norske busetnadene. Det er foreslått at Longyearbyen lokalstyre får løyvd 0,8 mill. kroner til støtte til velferdsformål. Det er ein føresetnad at midlane blir fordelte slik at dei også kjem den norske befolkninga i dei andre norske busetnadene til gode. Løyvinga skal bl.a. dekkje tilskot til samfunns- og kulturutvalet, løyving til Svalbard museum og til Longyearbyen folkebibliotek. Vidare er velferdsarbeidet i Ny-Ålesund foreslått støtta med kr 25 000. Til befolkninga i Barentsburg er det foreslått sett av kr 100 000.

Etter forskrift 5. april 2000 nr. 347 om overskotsutdeling frå Nordpolet AS, skal nettooverskotet frå Nordpolets sal av alkoholhaldig drikk overførast til Longyearbyen lokalstyre, som fordeler midlane til velferdsformål. Longyearbyen lokalstyre fordeler i 2007 overskotet for 2006 som utgjorde 5,8 mill. kroner. Longyearbyen lokalstyre rapporterer til Sysselmannen om bruken av midlane. Desse midlane inngår ikkje i Longyearbyen lokalstyres budsjett.

I tillegg er det over Kulturdepartementets budsjett for 2008 foreslått å løyve til saman om lag kr 0,6 mill. til kulturformål på Svalbard, jf. omtale i punkt 4.9.

Kap. 0003 Tilskot til Longyearbyen lokalstyre

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|-------------------------------------|-------------------|--------------------------|-----------------|
| 70 | Tilskot til Longyearbyen lokalstyre | 60 923 | 86 954 | 88 800 |
| | Sum kap 0003 | 60 923 | 86 954 | 88 800 |

For 2008 er det foreslått eit tilskot til Longyearbyen lokalstyre på til saman 88,8 mill. kroner. Dette skal dekkje utgiftene til drift av og investeringar i lokalstyret si verksemd.

Lokalstyret har gjennom Bydrift Longyearbyen AS ansvar for produksjon og distribusjon av elektrisk kraft og fjernvarme. Dei seinare åra har det vore løyvd midlar til investeringar i fjernvarmenettet. For 2007 vart det løyvd 7,1 mill. kroner til dette

formålet. Denne løyvinga er vidareført for 2008. Longyearbyen lokalstyre har ein plan for framdrift og finansiering av investeringane. Det er lagt til grunn at investeringane i fjernvarmenettet skal finansierast ved hjelp av låneopptak og vere ferdigstilte i løpet av 2007.

Regjeringa har bestemt å innføre gratis frukt og grønt for alle elevar på skular med ungdomstrinn. Løyvinga til Longyearbyen lokalstyre er derfor styrkt med kr 0,25 mill.

Dagens reservekraftanlegg har ikkje tilstrekkeleg kapasitet til å dekkje behovet. Regjeringa løyvde derfor i St.prp. nr. 69 (2006-2007) Tilleggsbevilgninger og omprioriteringar i statsbudsjettet for 2007, 20 mill. kroner for å medverke til finansieringa av eit nytt reservekraftanlegg i Longyear-

byen. Det resterande løyvinga behovet skal dekkjast av Longyearbyen lokalstyre i form av brukarfinansiering. Eit nytt reservekraftanlegg skal kunne vere første ledd i eit eventuelt nytt hovudkraftanlegg, utan at det er teke stilling til val av energikjelde for eit framtidig hovudkraftanlegg. Regjeringa legg til grunn at Longyearbyen lokalstyre held fram arbeidet med etablering av reservekraftanlegget i 2008.

Longyearbyen lokalstyre har ansvar for den delen av Svalbard forskingspark som utgjør Svalbard museum. Tildelinga på 1 mill. kroner til Svalbard museum over Kyrkjedepartementets budsjettkapittel 328 post 70 Det nasjonale museumsnettverket, blir ført vidare i 2008.

Kap. 0005 Sysselmannen (jf. kap. 3005)

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Driftsutgifter | 27 811 | 25 800 | 26 250 |
| | Sum kap 0005 | 27 811 | 25 800 | 26 250 |

I 2006 vart det utført 32,5 årsverk ved sysselmanskontoret. Inkludert i dette talet er engasjement av ekstrabetjentar og feltinspektørar i sommarmånadene. Åremålet for tilsette ved sysselmanskontoret er 6 år.

Det er for 2008 foreslått å løyve 26,3 mill. kroner over kap. 5 Sysselmannen. Løyvinga som i all hovudsak er ei vidareføring frå 2007 skal dekkje utgifter til lønn og drift av sysselmanskontoret, under dette utgifter til vedlikehald og fornying av utstyrsparken.

Sysselmannen disponerer store utstys- og transportressursar, bl.a. terrenggåande beltevogner, småbåtar, snøskuterar og utstyr for oljevernberedskap. Dette er nødvendig for å kontrollere og halde oppsyn med den 62 700 km² store øygruppa.

Saman med helikopter og skip er utstyrsparken òg nødvendig for redningsberedskapen på øygruppa. Sysselmannen har òg betydelege vertskaps- og representasjonsoppgåver i samband med besøk frå inn- og utland. Fleire av besøka er på høgt politisk nivå. Det er venta at omfanget av desse oppgåvene vil halde fram med å auke i takt med aukande interesse for Svalbard og Regjeringa si satsing i nordområda.

Justisdepartementet ber Stortinget samtykkje i at departementet i 2008 kan bestille varer for inntil 3 mill. kroner ut over løyvinga som er gitt under kap. 5 post 01, jf. forslag til vedtak. Svalbardbudsjettet er i stor grad eit driftsbudsjett. Fullmakta er meint å dekkje Sysselmannens behov for større utstysinvesteringar over budsjetterminane.

Kap. 3005 Sysselmannen (jf. kap. 5)

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|-------------------|-------------------|--------------------------|-----------------|
| 01 | Diverse inntekter | 10 460 | 300 | 250 |
| 02 | Refusjonar m.v. | 936 | 0 | 0 |
| | Sum kap 3005 | 11 396 | 200 | 250 |

Kapitlet korresponderer med kap. 5 Sysselmannen. Inntektene på post 01 omfattar bøter, gebyr, inndragingar og inntekter ved auksjonar, sal av isbjørnskinn og reinsdyrkjøtt. Bøter blir kravde inn av Statens Innkrevingssentral, men inntektsførte Sysselmannen. Sysselmannen mottok diverse refusjonar og får midlar stilte til disposisjon ved posteringsfullmakter. Omfanget av refusjonane varierer frå år til år, og det er vanskeleg å gi eit presist over-

slag. Av praktiske grunnar blir det derfor budsjettet med 0 kroner på post 02. Det høge rekneskapsbeløpet på post 01 i 2006 skuldast ei foretaksbot på 10 mill. kroner til Store Norske Spitsbergen Kulkompani.

Det er foreslått at Justisdepartementet får fullmakt til å overskride løyvinga under kap. 5 post 01 tilsvarande det inntektsførte beløpet under kap. 3005, post 02, jf. forslag til vedtak.

Kap. 0006 Sysselmannens transportteneste (jf. kap. 3006)

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Driftsutgifter | 62 902 | 65 700 | 67 600 |
| | Sum kap 0006 | 62 902 | 65 700 | 67 600 |

Avstandane på Svalbard er store. Det finst ikkje vegsamband eller offentlege kommunikasjonsmiddel for intern transport mellom busetnadene og elles på øygruppa. For å kunne utøve det oppsynet som er nødvendig for å handheve norsk suverenitet, er Sysselmannen heilt avhengig av både helikopter og skip. Desse transportmidla er òg heilt nødvendige for ei effektiv politi- og redningsteneste, og for ambulanse- og sjuketransport, også utanfor Svalbards territorialfarvatn. Transportmidla blir dessutan nytta til naturoppsyn og førebyggjande arbeid mot miljøkriminalitet. Utan helikopter og skip vil det ikkje vere mogleg å føre eit effektivt tilsyn med verneområde, kulturminne, jakt, ferdsel og turisme også i dei fjerne delane av øygruppa. I 2006 utførte Sysselmannen 18 søkje- og redningsoppdrag og 23 ambulanseoppdrag. I dei fleste av desse nytta ein Sysselmannens helikopter.

Kapitlet dekkjer stasjonering og drift av to tenestehelikopter. Sysselmannen har kontrakt om

leige av helikopterteneste. Kontrakten gjeld leige av eit Super Puma AS 332 L1 AW SAR helikopter og eit AS 365 Dauphin N2 helikopter, begge med avansert redningsutstyr. Denne samansetjinga gir etter departementets vurdering Sysselmannen stor fleksibilitet når ulike SAR (search and rescue)-oppdrag skal utførast. Samtidig er samansetjinga særst godt eigna i forhold til den kombinasjonsløysinga det er lagt opp til på Svalbard. Helikoptra skal fungere både i rednings- og beredskapsoppdrag og som tenestehelikopter for Sysselmannens ulike oppdrag. Auken i løyvinga skuldast prisregulering av leigepris. Utleige til andre brukarar blir inntektsført Sysselmannen, jf. kap. 3006.

Vidare dekkjer kapitlet utgifter til leige av tenestefartøy med helikopterdekk. Justisdepartementet har ein kontrakt om å leige inn fartøyet Nordsyssel omlag 7 månader kvart år. Dette skipet er eit isgåande fartøy og er svært viktig både i den generelle beredskapen og for oljevernberedskapen.

Kap. 3006 Sysselmannens transportteneste (jf. kap. 6)

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Leigeinntekter | 1 177 | 1 100 | 1 100 |
| 02 | Refusjonar | 112 | 0 | 0 |
| | Sum kap 3006 | 1 289 | 1 100 | 1 100 |

Kapitlet korresponderer med kap. 6 og viser venta inntekter og refusjonar ved utleige av dei transportmidla Sysselmannen disponerer. Etter avtale med leverandørar av transporttenester, skal Sysselmannen ha inntektene/refusjonane dersom desse blir nytta av andre. Inntektene knyter seg til utleige til privat verksemd, mens refusjonar gjeld utleige til andre statlege institusjonar.

For å skilje mellom inntekter og refusjonar er det ein post 01 Leigeinntekter og ein post 02 Refusjonar under kap. 3006. Det blir foreslått løyvd 0 kroner på post 02, då refusjonane varierer frå år til år og det er vanskeleg å gi eit presist overslag. Det blir foreslått at Justisdepartementet får fullmakt til å overskride løyvinga under kap. 6 post 01 tilsvarende det inntektsførte beløpet under kap. 3006, post 02, jf. forslag til vedtak.

Kap. 0007 Tilfeldige utgifter

| (i 1 000 kr) | | | | |
|--------------|----------------|-------------------|--------------------------|-----------------|
| Post | Nemning | Rekneskap 2006 | Saldert budsjett 2007 | Forslag 2008 |
| 01 | Driftsutgifter | 4 065 | 4 100 | 4 100 |
| | Sum kap 0007 | 4 065 | 4 100 | 4 100 |

Løyvinga under denne posten er disponert av Justisdepartementet. Posten skal dekkje informasjonstiltak, støtte til utgreiingar og liknande, og mindre ikkje føresette utgifter.

Dei meirutgiftene Telenor har i samband med samfunnspålagte teletenester på Svalbard er dekte over denne posten. Dei årlege utgiftene utgjer 3,5 mill. kroner. Sjå omtale under pkt. 4.5.

Kap. 0009 Kulturminnetiltak

| (i 1 000 kr) | | | | |
|--------------|----------------|-------------------|--------------------------|-----------------|
| Post | Nemning | Rekneskap 2006 | Saldert budsjett 2007 | Forslag 2008 |
| 01 | Driftsutgifter | 2 061 | 2 100 | 2 100 |
| | Sum kap 0009 | 2 061 | 2 100 | 2 100 |

Kulturminnevernet er ein del av eit samla miljøvern på Svalbard og skal samle og ivareta kunnskap om kulturminne på øygruppa. I tillegg skal det tene til å verne, forvalte og halde ved like kulturminna i samsvar med forskrifter og vedtekne planar, og informere om Svalbards kulturhistorie, og kulturmiljø og vernetiltak i tilknytning til dette.

Kulturminneplan for Svalbard 2001-2010 låg føre i 2001. Planen dannar grunnlaget for dei forvaltningsstrategiane det er lagt vekt på i kulturminnevernet for Svalbard.

Arbeidet med undersøkingar i felt og registreringar held fram. I samsvar med kulturminneplanen blir det arbeidd med bygningsvern og med å

avdekkje nedbrytingsmekanismar for å utvikle metodar for istandsetjing og vedlikehald. Det er òg viktig å føre vidare det haldningsskapande informasjonsarbeidet, bl.a. gjennom ein serie med informasjonshefte.

Miljøovervakingsystemet for Svalbard og Jan Mayen (MOSJ) er utvikla som eit verktøy for miljøforvaltninga på Svalbard. MOSJ hentar data frå ei rekkje lokalitetar på Svalbard og spenner over alle relevante temaområde. Sysselmannen sit i styringsgruppa for systemet og har òg ansvaret for å samle inn, arbeide vidare med og levere data om jakt, ferdsel, forsøpling og kulturminne.

Kap. 0011 Bergvesenet med Bergmeisteren for Svalbard

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Driftsutgifter | 1 119 | 1 310 | 1 310 |
| | Sum kap 0011 | 1 119 | 1 310 | 1 310 |

Bergvesenet med Bergmeisteren for Svalbard har hovudkontor i Trondheim, i tillegg er det eit eige kontor i Longyearbyen med ei bergmeisterstilling for Svalbard. Det er for 2008 foreslått å

løyve 1,3 mill. kroner til driftsutgifter. Sjå omtale av Bergvesenet med Bergmeisteren for Svalbard under kap. 4.2.

Kap. 0017 Refusjon til Norsk Polarinstitutt

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|--------------|-------------------|--------------------------|-----------------|
| 50 | Refusjon | 2 750 | 2 750 | 2 800 |
| | Sum kap 0017 | 2 750 | 2 750 | 2 800 |

Norsk Polarinstitutt er underlagt Miljøverndepartementet. Norsk Polarinstitutt har ei omfattande verksemd på Svalbard, med bl.a. forskning, miljøovervaking, topografisk og geologisk kartlegging, forskningsservice, drift av forskingsstasjonar, ettersyn av fyr og rådgiving i miljøspørsmål overfor sentrale og lokale forvaltingsorgan. Det meste av budsjettmidlane til instituttets verksemd på Svalbard blir dekte over Miljøverndepartementets budsjett, kap. 1471.

Refusjonen til Norsk Polarinstitutt over svalbardbudsjettet skal gi delvis dekning for oppgåver instituttet utfører på Svalbard for andre enn miljøforvaltninga. Dette omfattar topografisk kartlegging, forvaltingsrådgiving overfor Sysselembannen og miljøretta kunnskapsformidling og informasjon. Polarinstituttet yter òg logistisk støtte til norsk og utanlandsk forskingsverksemd på Svalbard, jf. pkt. 4.1.

Kap. 0018 Fyr og radiofyr

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Driftsutgifter | 3 400 | 3 400 | 3 450 |
| | Sum kap 0018 | 3 400 | 3 400 | 3 450 |

Løyvinga skal dekkje utgifter til innkjøp og vedlikehald til navigasjonshjelpemiddel for sjø- og lufttrafikken, bl.a. 11 fyrlykter, 27 navigasjonslys, 17 seglingsmerke, og 2 radarfyr. I dei seinare åra har talet på seglingsmerke blitt utvida for å betre merkinga av leia inn til Svea som ei følgje av auka utskiping av kol. Anlegga vart tidlegare drivne og haldne ved like av Norsk Polarinstitutt. Regjeringa

tek sikte på innføre hamne- og farvannsloven på Svalbard frå 1. januar 2008. Då vil Kystverket overta det overordna ansvaret for fyr- og merketene- nesten på Svalbard. I praksis vil framleis Norsk Polarinstitutt stå for utsetjing av fyr og merke, kombinert med instituttets ekspedisjonsverksemd på Svalbard, men no etter avtale med Kystverket.

Kap. 0019 Statens bygninger på Bjørnøya og Hopen

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Driftsutgifter | 5 436 | 5 600 | 5 950 |
| | Sum kap 0019 | 5 436 | 5 600 | 5 950 |

Det vart i 2005 oppretta eit nytt kap. 19 Statens bygningar på Bjørnøya og Hopen. Målet er å gjere synlege utgiftene til husleige for statens bygningar. Løyvinga på kapitlet vart overført frå kap. 20 Statens bygningar i Longyearbyen. Dei meteorolo-

giske stasjonane på Bjørnøya og Hopen vart innlemma i den statlege husleigeordninga frå 2004. Auken i løyvinga skuldast prisjustering av leigekontrakten, og ein auke i brukaravhengige driftskostnader.

Kap. 0020 Statens bygningar i Longyearbyen (jf. kap. 3020)

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|---|-------------------|--------------------------|-----------------|
| 01 | Driftsutgifter | 11 675 | 10 659 | 11 100 |
| 45 | Større utstyrsinnkjøp og vedlikehald, <i>kan overførast</i> | 857 | 500 | 600 |
| | Sum kap 0020 | 12 532 | 11 159 | 11 700 |

Post 01 Driftsutgifter

Løyvinga skal dekkje utgifter til vedlikehald og drift av bygningsmassen som ikkje er innlemma i den statlege husleigeordninga, slik som inventar, lys, fjernvarme, vatn, avløp, renovasjon, vegar og veglys. Auken skuldast prisjustering, og mindre investeringsbehov.

Vidare skal posten dekkje lønn og drift for lokaladministrasjonen til Statsbygg.

Post 45 Større utstyrsinnkjøp og vedlikehald, kan overførast

Løyvinga skal gå til ekstraordinært vedlikehald av hyblar og husvære.

Kap. 3020 Statens bygningar i Longyearbyen (jf. kap. 20)

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|--------------|-------------------|--------------------------|-----------------|
| 01 | Inntekter | 2 820 | 2 784 | 2 820 |
| | Sum kap 3020 | 2 820 | 2 784 | 2 820 |

Kapitlet korresponderer med kap. 20. Inntektene refererer seg til inntekter frå statlege selskap og etatar som Telenor, Posten, Avinor, Norsk Polarinstitut og sjukehuset. Alle desse deltek i

bustadpoolen som vart oppretta i 2001. Kap. 3020 omfattar òg mindre inntekter frå sal av kassert materiell og utstyr, pluss inntekter frå overnattningar på Statsbygggriggen.

Kap. 0022 Likningsforvaltninga for Svalbard

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|----------------|-------------------|--------------------------|-----------------|
| 01 | Driftsutgifter | 2 294 | 2 500 | 2 627 |
| | Sum kap 0022 | 2 294 | 2 500 | 2 627 |

Forslaget til løyving skal gå til lønns- og driftsmidlar for likningskontoret i Longyearbyen. Løyvinga skal òg dekkje utgifter til likningsnemnda og overlikningsnemnda for Svalbard, og utgifter til fagleg og administrativ bistand og oppfølging frå Troms fylkesskattekontor. I samband med innføringa av miljøgebyr på Svalbard, sjå omtale under kap. 4.1 Miljøverndepartementet, skal likningskontoret på Svalbard stå for det praktiske arbeidet

med refusjon av gebyret til fastbuande på vegner av Svalbard miljøvernfond. Det er derfor inngått ei avtale mellom likningskontoret og miljøvernfondet som regulerer den godtgjerings likningskontoret skal ha for denne oppgåva.

Mål- og resultatstyring av likningskontoret skjer innafor det ordinære mål- og resultatstyrings-systemet som til ei kvar tid er fastsett for likningsforvaltninga på Svalbard.

Kap. 3030 Skattar og avgifter

(i 1 000 kr)

| Post | Nemning | Rekneskap 2006 | Saldert budsjett 2007 | Forslag 2008 |
|------|------------------------|-------------------|--------------------------|-----------------|
| 70 | Skattar m.m. | 101 055 | 83 000 | 69 000 |
| 71 | Utførselsavgift | 4 454 | 3 500 | 3 500 |
| 72 | Utmålsgebyr, årsavgift | 1 081 | 1 090 | 1 090 |
| | Sum kap 3030 | 106 590 | 87 590 | 73 590 |

Post 70 Skattar m.m.

Post 70 gir eit overslag over venta skatteinntekter frå Svalbard for 2008. Det er venta ein reduksjon i skatteinngangen som følgje av dei skatteendringane som er foreslått, sjå omtale under kap. 4.4 Finansdepartementet.

Post 71 Utførselsavgift

Utførselsavgift blir kravd inn i medhald av lov 17. juli 1925 nr. 2 om avgift av kull, jordoljer og andre mineraler og bergarter som utføres fra Svalbard. Satsane for utrekning av avgift til statskassa av kol som blir utført frå Svalbard vart endra med verknad frå 01.01.2004.

Inntektene frå utførselsavgifta er avhengig av utskipa kvantum av kol og kolprisen på verdsmarknaden. Venta inntekt i 2008 er om lag 3,5 mill. kroner.

Post 72 Utmålsgebyr, årsavgift

Utmål er eit avgrensa område der utmålshavaren for ein gitt periode har einerett til å utnytte geologiske ressursar. Inntektene under denne posten er knytte til avgift ved krav om og vidareføring av utmål som er nedfelte i Bergverksordninga. Årsavgifta for å vidareføre eit utmål er 6 000 kroner.

Det vart tildelt tre utmål i 2006. Pr. januar 2007 vart det vidareført 379 utmål, av desse 218 avgiftspliktige.

Med bakgrunn i fredinga av delar av Svalbard i 2003 har Nærings- og handelsdepartementet, i samråd med dei andre departementa dette vedkjem, redusert avgifta for utmål som ligg i verna område. Det er ikkje rimeleg å krevje full avgift når vernet fører til at aktivitet i utmåla ikkje kan gjennomførast. Utmålsavgifta er sett til 1 500 kroner i året pr. utmål. Dette gjeld 50 utmål. For utmåla i Øvre Reindalen skal det framleis betalast full avgift då det er opna for bergverksaktivitet i desse utmåla.

I forslaget for 2008 er det lagt til grunn at talet på avgiftspliktige utmål blir uforandra i forhold til 2007.

Kap. 3035 Tilskot frå statsbudsjettet

| | | | | (i 1 000 kr) |
|------|--------------|-------------------|--------------------------|-----------------|
| Post | Nemning | Rekneskap 2006 | Saldert budsjett 2007 | Forslag 2008 |
| 70 | Tilskot | 67 002 | 123 909 | 143 487 |
| | Sum kap 3035 | 67 002 | 123 909 | 143 487 |

Dette inntektskapitlet tilsvare det tilskotet som er foreslått løyvd på Justisdepartementets budsjett kap. 480 Svalbardbudsjettet post 50 Tilskot. Løyvinga skal dekkje underskotet på sval-

bardbudsjettet. Auken i løyvinga skuldast ein venta reduksjon i skatteinngangen som følge av dei foreslåtte skatteendringane.

Justis- og politidepartementet

tilrår:

1. I St.prp. nr. 1 om Svalbardbudsjettet for år 2008 blir dei summene førde opp som er nemnde i eit framlagt forslag:

| | | |
|------------------|----|-------------|
| a. Sum utgifter | kr | 221 247 000 |
| b. Sum inntekter | kr | 221 247 000 |

Forslag til vedtak om løyving av utgifter og inntekter for administrasjonen av Svalbard for budsjetterminen 2008

I Utgifter:

| Kap. | Post | Svalbardbudsjettet | Pr. post | Sum kap |
|------|------|--|------------|-------------|
| | | | Kr | Kr |
| 0001 | | Svalbard kyrkje | | |
| | 01 | Driftsutgifter | 3 600 000 | 3 600 000 |
| 0002 | | Tilskot til kulturelle formål m.m. | | |
| | 70 | Tilskot til velferdsarbeid på Svalbard | 960 000 | 960 000 |
| 0003 | | Tilskot til Longyearbyen lokalstyre | | |
| | 70 | Tilskot til Longyearbyen lokalstyre | 88 800 000 | 88 800 000 |
| 0005 | | Sysselemanden (jf. kap. 3005) | | |
| | 01 | Driftsutgifter | 26 250 000 | 26 250 000 |
| 0006 | | Sysselemandens transportteneste (jf. kap. 3006) | | |
| | 01 | Driftsutgifter | 67 600 000 | 67 600 000 |
| 0007 | | Tilfeldige utgifter | | |
| | 01 | Driftsutgifter | 4 100 000 | 4 100 000 |
| 0009 | | Kulturminnetiltak | | |
| | 01 | Driftsutgifter | 2 100 000 | 2 100 000 |
| 0011 | | Bergmeisteren | | |
| | 01 | Driftsutgifter | 1 310 000 | 1 310 000 |
| 0017 | | Refusjon til Norsk Polarinstittutt | | |
| | 50 | Refusjon | 2 800 000 | 2 800 000 |
| 0018 | | Fyr og radiofyr | | |
| | 01 | Driftsutgifter | 3 450 000 | 3 450 000 |
| 0019 | | Statens bygningar på Bjørnøya og Hopen | | |
| | 01 | Driftsutgifter | 5 950 000 | 5 950 000 |
| 0020 | | Statens bygningar i Longyearbyen (jf. kap. 3020) | | |
| | 01 | Driftsutgifter | 11 100 000 | 11 100 000 |
| | 45 | Større utstyrsinnkjøp og vedlikehald, kan overførast | 600 000 | 600 000 |
| 0022 | | Likningsforvaltninga for Svalbard | | |
| | 01 | Driftsutgifter | 2 627 000 | 2 627 000 |
| | | Sum Svalbardbudsjettet | | |
| | | Sum departementets utgifter | | 221 247 000 |

Inntekter:

| Kap. | Post | Svalbardbudsjettet | Pr. post Kr | Sum kap Kr |
|------|------|---|----------------|---------------|
| 3005 | | Sysselmannen (jf. kap. 5) | | |
| | 01 | Diverse inntekter | 250 000 | 250 000 |
| 3006 | | Sysselmannens transportteneste (jf. kap. 6) | | |
| | 01 | Leigeinntekter | 1 100 000 | 1 100 00 |
| 3020 | | Statens bygningar i Longyearbyen (jf. kap. 20) | | |
| | 01 | Inntekter | 2 820 000 | 2 820 000 |
| 3030 | | Skattar og avgifter | | |
| | 70 | Skattar m.m. | 69 000 000 | 69 000 000 |
| | 71 | Utførselsavgift | 3 500 000 | 3 500 000 |
| | 72 | Utmålsgebyr, årsavgift | 1 090 000 | 1 090 000 |
| 3035 | | Tilskot frå statsbudsjettet | | |
| | 70 | Tilskot | 143 487 000 | 143 487 000 |
| | | Sum Svalbardbudsjettet | | |
| | | Sum departementets inntekter | | 221 247 000 |

Forslag til vedtak om formues- og inntektsskatt til Svalbard for inntektsåret 2008

II

§ 1 Bruksområde for vedtaket

Dette vedtaket gjeld forskotsutskrivning og endeleg utskrivning av skatt på formue og inntekt for inntektsåret 2008 etter føresegnene i lov av 29. november i 1996 nr. 68 om skatt til Svalbard.

Skattepliktige som nemnde i skattebetalingslova § 1, jf. § 2, og svalbardskattelova § 5-1 første ledd, skal betale forskot på formues- og inntektsskatt til Svalbard for inntektsåret 2008. Ved utrekninga og innbetalinga gjeld føresegnene i dette vedtaket og i skattebetalingslova.

§ 2 Skatt på formue

Skatt på formue blir utrekna etter desse satsane:

- a) Personleg skattepliktig og dødsbu:
Det blir nytta same satsar og grensebeløp som Stortinget har vedteke skal gjelde på det norske fastlandet for formuesskatt til staten og kommunane (maksimumssats)
- b) Selskap og samanslutning som nemnt i skattelova § 2-36 andre ledd, og som ikkje er fritekne etter skattelova kapittel 2:
Det blir nytta same satsar og grensebeløp som Stortinget har vedteke skal gjelde på det norske fastlandet for formuesskatt til staten.

§ 3 Skatt på inntekt

Skatt på inntekt blir utrekna etter desse satsane:

- a) Inntekt som blir skattlagt ved lønnstrekk etter svalbardskattelova § 3-2:
Låg sats: 8 pst.
Høg sats: 22 pst.
- b) Anna inntekt: 16 pst.

Personlege skatteytarar skal ha eit frådrag i alminneleg inntekt som omfattas av b. på 20 000 kroner.

§ 4 Avrundingsreglar

Ved utrekning av skatt ved likning skal stipulert formue avrundast nedover til næraste heile 1000 kroner, og inntekt avrundast nedover til næraste heile 100 kroner.

Ved utrekning av skatt ved lønnstrekk skal inntekta avrundast nedover til næraste heile krone.

§ 5 Normalrentesatsen for rimeleg lån i arbeidsforhold

Normalrentesatsen som nemnd i skattelova § 5-12 fjerde ledd, jf. svalbardskattelova §§ 3-1 og 3-2, skal vere den same som Stortinget har vedteke skal gjelde på det norske fastlandet.

Forslag til vedtak om bestillingsfullmakt for budsjetterminen 2008

III

Bestillingsfullmakt

Stortinget samtykkjer i at Justisdepartementet i 2008 kan bestille varer for inntil kr 3 mill. ut over

den totale løyvinga som er gitt under kap. 5, post 01 på svalbardbudsjettet.

Forslag til vedtak om meirinntektsfullmakt for budsjetterminen 2008

IV

Meirinntektsfullmakter

Stortinget samtykkjer i at Justisdepartementet i 2008 kan overskride løyvinga under

1. kap. 5, post 01, tilsvarande det inntektsførte beløpet under kap. 3005, post 02
2. kap. 6, post 01, tilsvarande det inntektsførte beløpet under kap. 3006, post 02

Forslag til vedtak om avgift av kol som blir utført frå Svalbard for budsjetterminen 2008

V

For budsjetterminen 2008 skal det svarast avgift til statskassen av kol som blir utført frå Svalbard, etter følgjande satsar:

1,0 % av verdien for dei første 100 000 tonna,
0,9 % av verdien for dei neste 200 000 tonna,
0,8 % av verdien for dei neste 300 000 tonna,

0,7 % av verdien for dei neste 400 000 tonna,
0,6 % av verdien for dei neste 500 000 tonna,
0,5 % av verdien for dei neste 600 000 tonna,
0,4 % av verdien for dei neste 700 000 tonna,
0,3 % av verdien for dei neste 800 000 tonna,
0,2 % av verdien for dei neste 900 000 tonna,
0,1 % av verdien for dei neste 1 000 000 tonna.

Vedlegg 1**Oversikt over forslag til utgifter på Svalbard som blir dekte over statsbudsjettet for 2008**

| | | (1000 kr) | | | |
|---|------|--|--------------------------|-----------------|--------|
| Kap. | post | Rekneskap 2006 | Saldert budsjett 2007 | Forslag 2008 | |
| <i>Kunnskapsdepartementet</i> | | | | | |
| 231 | 60 | Barnehagar | 0 | 6 364 | 6 630 |
| 281 | 74 | Fellesutgifter til universitetet og høyskular – tilskot UNIS | 94 885 | 75 500 | 78 719 |
| 283 ¹ | 50 | Meteorologisk institutt, drift av stasjonane på Bjørnøya og Hopen og værtenesta på Svalbard lufthamn | 10 900 | 12 000 | 12 000 |
| 285 | 52 | Noregs forskingsråd | 14 000 | 14 000 | 14 000 |
| 286 ² | 50 | Fondet for forskning og nyskaping, satsing på polarklimaforskning | 7 500 | 7 500 | 7 500 |
| <i>Kultur- og kyrkjedepartementet</i> | | | | | |
| 320 | 74 | Tilskot til faste tiltak under Norsk kulturråd | 135 | 140 | 146 |
| 326 | 78 | Forskjellige faste tiltak | 155 | 237 | 247 |
| 335 ³ | 71 | Produksjonstilskot | 360 | | |
| 328 | 70 | Det nasjonale museumsnettverket – Svalbard museum | 0 | 1 000 | 1043 |
| <i>Kommunal- og regionaldepartementet</i> | | | | | |
| 502 | 01 | Valutgifter | 0 | 100 | 0 |
| 552 | 72 | Nasjonalt samarbeid for regional utvikling | 0 | 2 000 | 0 |
| <i>Helse- og omsorgsdepartementet</i> | | | | | |
| 732 ⁴ | 75 | Tilskot Helse Nord RHF | 21 800 | 22 500 | 23 400 |
| <i>Barne- og likestillingsdepartementet</i> | | | | | |
| 844 | 70 | Kontantstøtte | 5 | 200 | 800 |
| 845 | 70 | Barnetrygd | 5 | 5 900 | 5 900 |
| 856 ⁶ | 60 | Barnehagar | 6 780 | 0 | 0 |
| <i>Nærings- og handelsdepartementet</i> | | | | | |
| 937 | 71 | Tilskot Svalbard Reiseliv AS | 2 000 | 2 000 | 2 000 |
| 953 | 70 | Tilskot Kings Bay AS | 13 000 | 13 000 | 25 000 |
| <i>Miljøverndepartementet</i> | | | | | |
| 1410 ⁷ | | Polarforskning og miljøovervaking | 11 500 | 12 500 | 12 000 |

(1000 kr)

| Kap. | post | | Rekneskap 2006 | Saldert budsjett 2007 | Forslag 2008 |
|---|------|--|-------------------|--------------------------|-----------------|
| 1427 | | Direktoratet for naturforvalting | 1 305 | 1 125 | 1 300 |
| 1465 ⁷ | | Statens kartverk | 8 920 | 8 000 | 8 000 |
| 1471 | | Norsk Polarinstitutt | 51 000 | 70 000 | 70 000 |
| <i>Fornyings- og administrasjons- departementet</i> | | | | | |
| 2445 | 24 | Longyearbyen sjukehus | 170 | 180 | 190 |
| 2445 | 24 | Skulebygningar, Longyearbyen | 504 | 0 | 0 |
| 2445 | 24 | Svalbard kyrkje | 105 | 159 | 79 |
| 2445 | 24 | Meteorologiske stasjonar, Bjørnøya | 280 | 966 | 416 |
| 2445 | 24 | Meteorologiske stasjonar, Hopen | 23 | 88 | 298 |
| 2445 | 24 | Sverdrupstasjonen, Ny-Ålesund | 30 | 72 | 72 |
| 2445 | 24 | Svalbard Forskingspark | 512 | 931 | 631 |
| <i>Arbeids- og inkluderingsdepartementet</i> | | | | | |
| 640 | 01 | Arbeidstilsynet | 268 | 270 | 282 |
| <i>Justisdepartementet</i> | | | | | |
| 451 | 01 | Direktoratet for samfunnstryggleik og beredskap | 153 | 150 | 140 |
| Sum | | | 246 285 | 256 882 | 270 793 |

¹ Kunnskapsdepartementet finansierer ikkje drifta av flyvêrtenester på Svalbard lufthamn. Denne er finansiert av Avinor. Vidare fastset ikkje Kunnskapsdepartementet budsjettet til drift av stasjonane på Bjørnøya og Hopen, og dei oppgitte tala er derfor anslag. Det er Meteorologisk institutt som fastset budsjettet.

² Talet er eit overslag over kor stor del av NORKLIMA-programmet som vert finansiert over kap. 286, post 50 og som er direkte knytt til forskning på Svalbard. I tillegg går 80 mill. kroner til IPY over denne posten (2007 og 2008), men det er uråd å vite no kor stor del av IPY-løyvinga som direkte gjeld Svalbard og havområda i nærleiken.

³ Beløpet under kap. 335 Pressestøtte, post 71 gjeld tilskot til Svalbardposten. Beløpet blir utrekna pr. oktober inneverande år med utgangspunkt i opplagstal.

⁴ Longyearbyen sjukehus er ein del av Universitetssjukehuset i Nord-Noreg HF i Helse Nord RHF. Talet for 2008 er førebels ikkje kjend og er derfor anslag.

⁵ Det føreligg ikkje rekneskapstal for 2006 (RTV), då utbetalingane er knytte til heimstadkommune.

⁶ Barnehagar blei overført Kunnskapsdepartementet frå 2007.

⁷ Beløpa er overslag over kor stor del av ei større løyving som gjeld tiltak på Svalbard.


Vedlegg 2**Oversikt over forslag til inntekter til Svalbard som inngår
i statsbudsjettet for 2008**

| | | (i 1000 kr) | | | |
|-------------------|------|---|--------------------------|-----------------|--------|
| Kap. | post | Rekneskap 2006 | Saldert budsjett 2007 | Forslag 2008 | |
| | | | | | |
| | | <i>Fornyings- og administrasjons- departementet</i> | | | |
| 2445 ¹ | 24 | Statsbygg, leigeinntekter | 43 329 | 42 818 | 42 972 |
| 3451 | 01 | <i>Justisdepartementet</i> | | | |
| | | Direktoratet for samfunnstryggleik og beredskap | 104 | 88 | 100 |
| | | Sum | 43 433 | 42 906 | 43 072 |

¹ Husleige i form av avkastning på kapital (Investeringar med Statsbyggs fullmaktsmidlar på Svalbard).

Vedlegg 3

Kart over Svalbard



Figur 3.1 Kart over Svalbard

